




左式

十二十三

倍

元年書^{十四}年

服部文庫
117
207
7



117
207
7

師

春秋左傳註疏卷第十二

僖元年
盡五年

晉杜氏註

唐孔穎達疏

僖公

陸曰僖公名申莊公之子閔公之兄母成風諡法小心畏忌曰僖魯世家也僖公名申莊公之子閔公庶兄其母成風所生也惠王十八年即位諡法小心畏忌曰僖是歲

歲在
鶉首

經元年春王正月

齊師宋師曹伯次于聶北救邢

齊帥諸侯之師救邢
次于聶北者案兵觀釁以待事也次例在莊三年聶

春秋左傳

卷之十二

及古蜀

刑地

北邢地。○聶女輒反。○齊師至邢地。○正義曰：公

師皆是侯伯之身。公羊稱不與諸侯專封。故變稱師

耳。此時方始救邢。邢本不滅。何以言其封也。左氏無

此義。將卑師衆稱師。此三國皆師多。而大夫將。故名

氏不見。並稱師。公羊以爲此言次于雍榆。二事相反。爲之作

說。言此是君也。進止自由。彼是臣也。先通君命。賈服

取以爲說。杜以傳無此事。故不用其言。釋例曰：所記

或次在事前。次以成事也。或次在事後。事成而次也。

皆隨事實。無義例也。此時狄人尚強。未可即擊。案

兵觀釁。以待其事。須可擊乃擊之。故次在事前。

夏六月。邢遷于夷儀。○邢遷如歸。故以自遷爲辭。夷儀

邢地。○邢器用而遷之。則是諸侯遷邢也。而文作邢

自遷者。以邢遷如歸。故以自遷爲文。公羊傳曰：遷者

何其意也。遷之者何。非其意也。言邢遷于夷儀。許遷

于白羽者。皆是其國之意。自欲遷之。宋人遷宿

齊師宋師曹師城邢。○傳例曰：救患分災。禮也。一事而

再列三國。於文不可言諸侯師故。○正義曰：春秋

之例。先會而後盟者。會則具序。諸國盟則總稱諸侯

公羊謂之前日而後凡。此上文已列三國之師。救邢

依前日。後凡者。於文不可言諸侯師故也。案此十五

年。歷序諸侯盟于杜丘。下書諸侯之大夫。救徐襄二

宋。此不言諸侯之師。城邢者。此與會盟小異。十四年

諸侯城緣陵。爲其事有闕。故總稱諸侯。此若云諸侯

爲貶。故雖則煩文。而再列三國。

秋七月戊辰。夫人姜氏薨于夷。齊人以歸。○傳在閔二

春秋

卷之二十二

及古

年不言齊人殺諱之書地者明在外薨傳在至

義曰傳在閔二年者彼因孫于邾遂終言之實齊人殺之諱故不言殺也夫人之薨例不書地書地者明其在外而薨若言夫人自行至夷遇疾而薨齊人乃以其喪歸耳

楚人伐鄭荆始改號曰楚義曰此平常呼為荆此

後遂稱為楚據其見經為言故云荆始改號莊

八月公會齊侯宋公鄭伯曹伯邾人于榿榿宋地陳

國陳縣西北有榿城公及其會而不書盟還不以盟

告○榿勅傳言盟于榿榿即榿也而經不書盟釋

例曰盟于鄧盟于榿盟于戚公既在會而不書其盟以理推之會在盟前知其後盟也蓋公還告會而不

足利本作擘

告盟也

九月公敗邾師于偃註偃邾地

冬十月壬午公子友帥師敗莒師于鄆獲莒擘鄆魯

地擘莒子之弟不書弟者非卿非卿則不應書嘉季

友之功故特書其所獲大夫生死皆曰獲獲例在昭

二十三年○鄆力知反擘女居反又女加反義曰傳言莒子之弟

而經不書弟者諸侯之臣為卿乃見經見經則備書

名氏若言莒子之弟擘則是為卿之備文此不書弟

見其非卿也傳曰非卿也嘉獲之也以非卿不應書

經嘉季友之功能獲莒之大將故特書所獲以美季

子公羊亦云此何以書大季子之獲也釋例曰莒擘

非卿非卿則不應書今嘉獲故特書之特書猶不稱

季火竟

及至

弟明諸書弟者皆卿也

十有二月丁巳夫人氏之喪至自齊僖公請而葬之

故告於廟而書喪至也齊侯既殺哀姜以其尸歸絕

之於魯僖公請其喪而還不稱姜闕文僖公至闕文○正

義曰齊人治哀姜之罪取而殺之則位絕於魯非復魯之夫人其死不合書之於策以僖公請而葬之外

欲固齊以居厚內存母子不絕之義故其書於經薨葬備禮諱之若言無罪而自死然既諱其殺不宜有

貶公羊傳曰夫人何以不稱姜氏貶曷為貶與弑公也穀梁傳曰其不言姜以其殺二子貶之也或曰為

齊桓諱殺同姓也賈逵云殺子輕故但貶姜然則姜氏者夫人之姓二字共為一義不得去姜存氏去氏

存姜若其必有所貶自可替其尊號去一姜字復何所明於薨於葬未嘗有貶何故喪至獨去一姜公羊

傳又曰曷為不於弑焉貶貶必於其重者莫重乎其以喪至也策禮之成否在於薨葬何以喪至獨得為

重喪至已加貶責於葬不應備文何故葬我小君復得成禮正以薨葬備禮知其無所貶責故杜以經無

姜字直是闕文公羊穀梁見其文闕妄為之說耳

傳元年春不稱即位公出故也國亂身出復入故

即位之禮有闕復扶又反下文同公出復入不書諱之也諱

國惡禮也掩惡揚善義存君親故通有諱例皆當

時臣子率意而隱故無深淺常准聖賢從之以通人

理有時而聽之可也准之元年至禮也○正義

僖公出奔邾九月慶父出奔莒公即歸魯言公出故者公出而復歸即位之禮有闕為往年公出奔之故

非言應即位之時公在外也齊小白陽生之徒皆出而復入經書其人僖公類之亦應書入往年公出復入不書諱之國內有亂致令公出不書公出復入諱國亂也國亂國之惡事諱國惡是禮也時史諱而不書仲尼因而不改嫌諱非禮故以禮居之○**諱**掩惡至可也○正義曰坊記曰善則稱君過則稱已則民作忠善則稱親過則稱已則民作孝是掩惡揚善之義通有諱例諱雖有例而事無定體或諱大不諱小或諱小不諱大皆當時臣子率已之意而為之隱故無淺深常准隱十年公羊傳曰於外大惡書小惡不書於內大惡諱小惡書必如彼言是有常準歷檢春秋都無定例納鼎惡於易田諱田而不諱鼎公入小於公山諱入而不諱孫是其無常准也既無常準隨諱深淺舊史有所辟諱聖賢因而從之以通人事之理故容有掩惡之法釋例口有時而聽之則可也正以為後法則不經故不奪其所諱亦不為之定制言若正為後法每事皆諱則為惡者無復忌憚居上者

不知所懲不可盡令諱也人之所極惟君與親纔有小惡即發其短非復臣子之心全無愛敬之義是故不抑不勸有時聽之以為諱惡者禮也○**諸侯救邾**無隱者直也二者俱通以為世教也

實大夫而曰諸侯總眾國之辭○**實**實大至之辭將卑師眾稱師三國並稱為師是皆大夫將也實大夫也而曰諸侯總眾國之辭也桓五年蔡人衛人陳人從王伐鄭傳曰王以諸侯伐鄭彼亦大夫將總眾國而稱諸侯也先儒以為此役諸侯身行故言此以

之**邾人潰出奔師**○**奔**奔北之師也邾潰不書不告也○**潰戶**師遂逐狄人具邾器用而遷之師無私焉內反

皆撰具還之無所私取○撰仕眷反○**撰**皆撰至義曰邾人潰而奔師棄其家之器物師逐狄人為之斂聚皆撰具以還邾人師人無所私取善齊桓委任

春秋左傳卷之二十三 沈氏

得人用兵 ○夏邢遷于夷儀諸侯城之救患也凡侯

伯救患分災討罪禮也侯伯州長也分穀帛

反又如字 ○齊侯伯至穀帛 ○正義曰此因齊侯發

長丁丈反 ○齊侯之為侯伯當是王之二伯此言

州長必是九州之長但州牧於其竟內亦當救患討

罪以州牧亦掌此事故言州長以包之有災害者分

之財物知分 ○秋楚人伐鄭鄭即齊故也盟于犂謀

者分穀帛也 ○秋楚人伐鄭鄭即齊故也盟于犂謀

救鄭也犂即裡也地有二名 ○九月公

敗邾師于偃虛丘之戍將歸者也虛丘邾地邾人

既送哀姜還齊人殺之因戍虛丘欲以侵魯公以義

求齊齊送姜氏之喪邾人懼乃歸故要而敗之起居

反勇於 ○在焉公既盟而敗其師傳不明言其故直

云虛丘之戍不知虛丘誰地何故戍之服虔云虛丘

魯邑魯有亂邾使兵戍虛丘魯與邾無怨因兵將還

要而敗之所以惡僖公也邾之與魯本無怨惡僖公

奔邾則為之外主國亂則戍其內邑無故而敗其師

亡信背義莫斯之甚非僖公作頌之主所當行也杜

以為不然故別為此說此說亦無所據要其理當然

也案十二月夫人之喪始至此九月敗邾師而云以

義求齊齊送姜氏之喪者夫人以七月薨公即求齊

歸魯得許而敗邾師耳 ○冬莒人來求賂求還慶

父之賂公子友敗諸鄆獲莒子之弟拏非卿也嘉獲

之也莒既不能為魯討慶父受魯之賂而又重來

其求無厭故嘉季友之獲而書之為魯于僞反重

來直用反厭於鹽

家女

反公賜季友汶陽之田及費汶陽田汶水北地汶

水出泰山萊蕪縣西入濟汶音問費音祕萊音來入濟○正義曰水北曰陽故知汶水北地釋例曰汶水出

泰山萊蕪縣西南經濟北至東平須昌縣入濟○夫

人氏之喪至自齊君子以齊人殺哀姜也為已甚矣

女子從人者也言君子有三從之義在夫家有罪

非父母所宜討也

經二年春王正月城楚丘楚丘衛邑不言城衛未

遷楚丘至未遷○正義曰此決城邢也彼既遷

此則先城楚丘將以封衛言城楚丘不言城衛衛未遷也

遍

夏五月辛巳葬我小君哀姜無傳反哭成喪故稱小

君例在定十五年

虞師晉師滅下陽下陽虢邑在河東大陽縣晉於此

始赴見經滅例在襄十三年○大音泰一音如字見賢邇反

秋九月齊侯宋公江人黃人盟于貫貫宋地梁國蒙

縣西北有貫城貫與貫字相似江國在汝南安陽縣

○貫古亂反貫江人黃人○正義曰公羊穀梁皆

市夜反又音世江人黃人遠國之辭言其實是

善鄰恃齊背楚終為楚所滅其意雖與皆以江人黃人為國君親來杜以諸侯之貶不至稱人則稱人者皆是其國之大夫耳齊桓威德稍盛遠國來服齊桓

謙以接遠故與宋公會之

冬十月不雨傳在三年

楚人侵鄭

傳二年春諸侯城楚丘而封衛焉君死國滅故傳

言封天子之建諸侯必分之土地立其疆界聚土

為封以記之故建國謂之封國衛是舊國今不書所

會後也諸侯既罷而魯後至諱不及期故以獨城

為文○晉荀息請以屈產之乘與垂棘之璧假道於

虞假道於虞○正義曰聘禮云若過他邦至于竟使次介假道束帛將命于朝下大夫取以入告

出許是禮過他國必假道也聘尚假道况乎伐國故請以璧馬假借也穀梁傳曰借道平虞以伐

虢荀息荀叔也屈地生良馬垂棘出美玉故以為

名四馬曰乘自晉適虢途出於虞故假道○屈求勿反又居勿

反註同乘繩公曰是吾寶也對曰若得道於虞猶外

府也公曰宮之奇存焉宮之奇虞忠臣宜奇其對

曰宮之奇之為人也懦而不能強諫○懦弱也○懦

作懦乃亂反又乃貨反字林作喚且少長於君君暱

之雖諫將不聽○親而狎之必輕其言○少詩照反

女乙乃使荀息假道於虞曰冀為不道入自顛軫伐

鄭三門前是冀伐虞至鄭鄭虞邑河東大陽縣東

北有顛軫坂軫音零鄭亡

不道伐鄭三門謂冀伐晉也冀之既病亦唯君故謂

假道公尚慮虞不許則晉之於虞舊非與國若其嘗

經助晉則是昔來通好何憂乎不許而請進國之美

寶尚畏宮之奇諫乎故杜以為冀自伐虞虞自報冀

以說其心此雖冀之既病則亦唯君故言虞報伐

冀使病將欲假道故稱虞疆以說其心冀國名平陽

皮氏縣東北有冀亭說音悅今號為不道保於逆旅

逆旅客舍也號稍遣人分依客舍以聚眾抄晉邊邑

○抄初教反又陽處父過甯舍於逆旅甯嬴氏知

楚稍反強取物逆旅是客舍也逆迎也旅客也迎止賓客之處也保

者固守之語知其分依客舍伺候抄晉邊邑既又入

而保之觀其此語則號晉接鄰但向其都邑須過以

虞竟當以從彼諸號路遙山險易來難往故也

以何罪虞公許之且請先伐號喜於厚賂而欲求

媚宮之奇諫不聽遂起師夏晉里克荀息帥師會虞

師伐號滅下陽晉猶主兵不信虞

如傳之言直云會虞伐號未知誰為兵主但下云先

書虞賄故也若虞為兵主自當有先不須云先書虞

也明晉實為主而仲尼先書先書虞賄故也虞非

虞故知晉猶兵主不信虞也先書虞賄故也

左

春秋左傳

卷之十一

漢書

合

倡兵之首而先書之惡貪賄也○賄呼罪反○秋盟

干貫服江黃也○江黃楚與國也始來服齊故為今

諸侯○為于偽○齊寺人貂始漏師于多魚○寺人

內奄官豎貂也多魚地名闕齊桓多嬖寵內則如夫

人者六人外則幸豎貂易牙之等終以此亂國傳言

貂於此始擅貴寵漏洩桓公軍事為齊亂張本○寺

又音侍寺人奄官各貂音彫豎上上○寺人至張

反擅時戰反洩息列反又以制反○正義曰

周禮內宰之屬有內小臣奄上士四人寺人王之正

內五人內豎倍寺人之數寺人掌王之內人及女宮

之戒令內豎掌內外之通令皆掌婦人之事是自內

小臣以下皆用奄人為官也鄭玄云豎未冠者之官

陝當作陝

名然則此人名貂幼童為內豎之官以為齊侯所寵

後雖年長遂呼為豎貂焉此時為寺人之官故稱寺

人貂也言漏師者漏泄師之密謀也漏師已是大罪

此云始者言其終又甚焉故言始以為齊亂張本

○虢公敗戎于桑田○桑田虢地在弘農陝縣東北

晉卜偃曰虢必亡矣亡下陽不懼而又有功是天奪

之鑿○鑿所以自照而益其疾也○驕則生疾必易

晉滅虢張本○易以豉反○冬楚人伐鄭鬬章囚鄭

聃伯○經書侵傳言伐本以伐興權行侵掠為後年

楚伐鄭鄭伯欲成張本○聃乃其

反掠音亮

及古

經三年春王正月不雨夏四月不雨

註一時不雨則書

首月傳例曰不日旱不為災

義曰一時至為災○正

首月者解去冬今春也書首月者皆竟時不雨次月不雨不復書也故夏四月不雨五月不雨不復書六月得雨乃書之此由不雨日久方始追敘其事每時一書所以詳其文也不於去年冬十月及今年正月不雨註必於夏四月不雨註者以下有六月雨既備書則五月不雨亦應備書今唯云夏四月不雨故杜云一時不雨則書首月以解五月不書不雨之意文二年自十有二月不雨至于秋七月十三年自正月不雨至于秋七月二者皆總書不雨又不書得雨之月與此年書不雨文異者穀梁傳曰一時言不雨者閔雨也閔雨者有志乎民者也六月雨雨云者喜雨也喜雨者有志乎民者也文二年傳曰歷時而言不雨文不憂雨也不憂雨者無志乎民也言僖有憂民之志故每時一書文無憂民之志是以歷時總書賈

達取以為說杜既不註或亦史異辭也

徐人取舒

註無傳徐國在下邳僮縣東南舒國今廬江

舒縣勝國而不用大師亦曰取例在襄十三年

○皮悲

反僮音童廬力居反徐國至二年○正義曰諸侯相滅亡徐在下邳舒在廬江相去甚遙而越竟滅國無傳無師焉曰滅然則滅之與取俱是絕其國家有其土地難則稱滅易則為取釋例曰用大師起大眾重以陷敵困而有之故曰勝國通以滅為文也取者乘其衰亂或受其潰叛或用小師而不煩兵勞力則直言取如取如攜言其易也是勝國而不用大師亦為取也

六月雨

註示旱不竟夏

秋齊侯宋公江人黃人會于陽穀陽穀齊地在東平

須昌縣北

冬公子友如齊涖盟涖臨也。○涖音利。又音類。○正義曰。

公羊傳曰：涖盟者何？往盟于彼也。來盟者何？來盟于我也。盟者殺牲歃血，告誓神明，人臨其上，從我去者，出我之意，故言往彼臨視。從外至者，我共臨視，故直舉其來。

楚人伐鄭

傳三年春不雨，夏六月雨，自十月不雨，至于五月不

日旱，不為災也。○周六月，夏四月，於播種五稼無損。

○夏戶。雅反。○秋會于陽穀，謀伐楚也。○三年楚侵鄭，故

○齊侯為陽穀之會來尋盟，冬公子友如齊涖盟。

公時不會陽穀，故齊侯自陽穀遣人詣魯，求尋盟，魯

使上卿詣齊受盟，謙也。○為于。偽反。○楚人伐鄭，鄭伯欲

成，孔叔不可，曰：齊方勤我。○孔叔，鄭大夫，勤恤鄭難。

○難乃。目反。棄德不祥。○祥善也。○齊侯與蔡姬乘舟于

囿蕩，公懼變色，禁之不可，公怒歸之，未絕之也。

○苑中。音又。圍。蔡人嫁之。○為明年齊侵蔡傳。

經四年春王正月公會齊侯宋公陳侯衛侯鄭伯許男

曹伯侵蔡蔡潰國民逃其上曰潰例在文三年遂伐

楚次于陘國遂兩事之辭楚強齊欲綏之以德故不

速進而次陘陘楚地潁川召陵縣南有陘亭○陘音

照反傳國遂兩事之辭○正義曰桓八年祭公來

皆同國遂逆王后于紀公羊傳曰遂者何生事也

謂本無向紀之心至魯始生意也穀梁傳曰遂繼事

之辭也此云兩事之辭謂既有上事復為下事不以

本謀有心無心為與也此齊侯先有伐楚之心因行

而侵蔡耳三十年襄仲將聘于周遂初聘于晉桓十

八年公將有行遂與姜氏如齊如此之類本謀為二

事也六年諸侯伐鄭楚人圍許諸侯遂救許莊十九

年公子結勝陳人之婦于鄆遂及齊侯宋公盟如此

之類本無謀而因事便行也但是兩事皆稱為遂故

曰兩事之辭不別本謀與否

臣

夏許男新城卒國

未同盟而赴以名國

許男新臣卒○正義曰成十三

年曹伯盧卒于師此不言于師者穀梁傳曰諸侯死

於國不地死於外地死于師何為不地內桓師也註

云齊桓威德洽著諸侯安之雖卒於外與其在國同

賈逵云不言于師善會主加禮若卒於國左氏無此

義釋例曰若卒于朝會或書師或書地者史之成文

非義所存然則或言于師或不言于師亦是史有詳

畧無義例也註稱赴以名者公雖在軍死須相赴史得赴乃書耳

楚屈完來盟于師盟于召陵國

屈完楚大夫也楚子遣

完于師以觀齊屈完觀齊之盛因而求盟故不稱使

以完來盟為文齊桓退舍以禮楚故盟召陵召陵潁

川縣也國者何楚大夫也何以不稱使尊屈完也曷

季火流

如

為尊屈完以當桓公也其意言屈完楚之貴者尊之
 以敵齊侯若屈完足以自專無假君命不為楚子所
 使故作自來之文服虔取以為說案孔子曰君使臣
 以禮臣事君以忠此聖人之明訓也今乃尊人之臣
 詳其不為君使輕人之主以為不合使臣是乃縱羣
 下以覬覦致強臣以專恣約之以禮豈當然乎故杜
 別為此解弱則欲拒屈完觀齊師之盛因而求盟非楚
 則欲服弱則欲拒屈完觀齊師之盛因而求盟非楚
 子之意故不稱使以屈完自來盟為文穀梁傳曰其
 不言使權在屈完也是其權時之便自來與齊盟也
 完之本意欲即盟於軍齊桓喜其來服退舍以禮楚
 言來盟于師書屈完之意也盟于召陵書實盟之所
 也成二年齊侯使國佐如師不言來而此言來者彼
 既云如師不須稱來此不言如師故云來耳此既云
 來盟不復須言及屈完盟彼無來盟之文故別言及
 國佐盟意與於此故文不同服虔云言來者外楚也
 嫌楚無罪言來以外之來者自外之文非別罪之所
 在若以言來即為罪楚則仲孫高子之來也復外齊

而罪之乎且惡楚者當惡其辟在蠻夷負固不
 服不服之日容可外之服而又外欲何為也

齊人執陳轅濇塗陳大夫
○轅陳大夫氏也本多作袁濇音桃

秋及江人黃人伐陳
受齊命討陳之罪而以與謀為

文者時齊不行使魯為主與謀例在宣七年
○與音預下同

受齊至七年○正義曰直言及江黃者將卑師
 出與謀曰及不言主師言微者及之宣七年傳例曰凡師
 者實是與謀皆不言及釋例曰盟主之令則上行乎
 下非匹敵和成之類故雖或先謀皆從不與謀之例
 然則此伐陳者受齊之命討陳之罪亦是上行乎下
 而經書及者於時齊師不行使魯為主魯
 與江黃謀之然後共伐故以與謀為文

八月公至自伐楚
無傳告于廟

葬許穆公

冬十有二月公孫茲帥師會齊人宋人衛人鄭人許人

曹人侵陳公孫茲叔牙子叔孫戴伯

傳四年春齊侯以諸侯之師侵蔡蔡潰遂伐楚楚子

使與師言曰君處北海寡人處南海唯是風馬牛不

相及也楚界猶未至南海因齊處北海遂稱所近

牛馬風逸蓋未界之微事故以取喻近附楚

取喻正義曰襄十三年傳稱楚子囊述共王之德

撫有蠻夷奄征南海唯言征南海耳其竟未必至南

海也因齊實處北海遂稱所近言其相去遠也服虔

云風放也牝牡相誘謂之風尚書稱馬牛其風牝言

此

風馬牛謂馬牛風逸牝牡相誘蓋是未界之

微事言此事不相及故以取喻不相干也 不虞君

之涉吾地也何故管仲對曰昔召康公命我先君大

公召康公周大保召公奭也同奭音釋召康

正義曰諡法安樂撫民曰康 曰五侯九伯女實征之以夾輔周室

五等諸侯九州之伯皆得征討其罪齊桓因此命

以夸楚女音汝夾古洽反五等至夸楚正

伯得以前命征討天下隨罪所在各致其罰故五等

諸侯九州之伯皆得征討其罪齊桓因大公有此王

命言已上世先公得征討有罪所以夸楚也鄭玄以

為周之制每州以一侯為牧二伯佐之九州有九侯

十八伯大公為東西大伯中分天下者當各統四侯

半一侯不可分故言五侯其伯則各有九耳侯為牧

春秋

卷之三十五

伯佐之言是周制其事無所出也且征者征其所統
 之國非征侯伯之身何當計較人數以充五九之言
 即如其言使伯佐牧二伯共佐治而已非是分州之
 半復安得征九伯也技數煩碎非復人情故先儒無
 同之者 **賜我先君履東至于海西至于河**
 ○正義曰釋例曰海自遼西北平漁陽章武渤海樂
 陵樂安北海東萊城陽東海廣陵吳郡會稽十四郡
 之東界以東河出西平西南二千里從西平東北經
 金城故北地朔方五原至故雲中南經平陽河東之
 西界東經河東河內之南界東北經汲郡頓丘陽平
 平原樂陵之東南入海杜之此言據其當時之河耳
 禹貢導河積石至于龍門南至于華陰東至于底柱
 又東至于孟津東過洛汭至于大伾北過降水至于
 大陸又北播為九河同為逆河人于海案驗其地自
 大伾以上河道不攷大伾以下即是大伾而北過降
 東流秦漢以來始然也古之河道自大伾而北過降
 水故迹不可復知其大陸則趙之廣澤也大陸以北

播為九河九河故道河間成平以南平原鬲縣以北
 其九河者徒駭一大史二馬頰三覆釜四胡蘇五簡
 六絜七鈎盤八鬲津九徒駭最西以次而東故鄭註
 禹貢河間弓高縣往往有其處中候云齊桓霸過八
 流以自廣計桓公之時齊之西竟當在九河之最西
 徒駭蓋是齊之西界其東至于海當盡樂安北海之
 東界也 **南至于穆陵北至于無棣**
 穆陵無棣皆齊竟

也履所踐履之界齊桓又因以自言其盛 ○棣大計
 反竟音境

下皆 **爾貢包茅不入王祭不共無以縮酒寡人是徵**
 同 **包** 包裹束也茅菁茅也束茅而灌之以酒為縮酒尚

書包匭菁茅茅之為異未審 ○共音恭本亦作供下
 及註同縮所六反裹音
 果菁子丁反苞或作 **匭** 匭音軌本或作軌 **匭** 匭音軌本或作軌 **匭** 匭音軌本或作軌 **匭** 匭音軌本或作軌

其所包裹而致者，匪匣也。菁以為菹，茅以縮酒。郊特牲云：縮酌用茅。鄭玄云：凍之以茅，縮去滓也。周禮甸師祭祀共蕭茅。鄭興云：蕭字或為菹，菹讀為縮。束茅立之，祭前沃酒其上，酒滲下去，若神飲之，故謂之縮。縮，滲也。故齊桓公責楚，不貢包茅，王祭不共，無以縮酒。杜用彼鄭興之說也。孔安國以菁與茅別，杜云：菁茅則以菁茅為一，特令荊州貢茅，必當與於餘處，但更無傳說，故云：茅之為與未審也。沈氏云：大史公封禪書云：江淮之間，一茅三脊，杜云：未審者，以三脊之茅比目之魚，比翼之鳥，皆是靈物，不可常貢，故杜云未審也。昭王南征而不復，寡人是問。昭王，成王之孫，南巡守涉漢，船壞而溺，周人諱而不赴，諸侯不知其故，故問之。○守手又反。昭王，成王之孫，周本紀文也。呂氏春秋季夏紀云：周昭王親將征荊蠻，辛餘靡長且多力，為王右，還反涉漢，梁敗，王及祭公涓于漢。

中辛餘靡振王北濟，反振祭公高誘註引此傳云：昭王之不復，君其問諸水濱。由此言之，昭王為沒於漢，辛餘靡焉得振王北濟也。振王為虛，誠如高誘之註，又稱梁敗，復非船壞，舊說皆言漢濱之人以膠膠船，故得水而壞。昭王溺，對曰：貢之不入，寡君之罪也，敢不共給。昭王之不復，君其問諸水濱。昭王時，漢非楚竟，故不受罪。○濱，音賓。昭王至受罪。○正意曰：楚男之田，國居丹陽，宋仲子云：丹陽南郡枝江縣也。枝江去漢其路甚遙。昭王時，漢非楚竟，故不受罪也。師進次于陘。楚不服罪，故復進師。○復扶。夏，楚子使屈完如師。如陘之師，觀強弱。師退次于召陵。完請盟，故齊侯陳諸侯之師，與屈完乘而觀之。乘，

共載○乘繩證反註同齊侯曰豈不穀是為先君之好是繼

與不穀同好如何言諸侯之附從非為已乃尋先

君之好謙而自廣因求與楚同好孤寡不穀諸侯謙

稱○是為于偽反註同好呼言諸侯至謙稱○

報反下及註同稱尺證反正義曰諸侯之交必

稱先君以相接此時諸侯有魯宋陳衛鄭許曹桓公

以前皆嘗與齊交接故齊侯稱繼先君之好謙以自

廣也老子曰孤寡不穀王侯之謙稱也曲禮云諸侯

與民言自稱寡人庶方小侯自稱曰孤其在四夷雖

大曰子於內自稱不穀禮記雖為定例事在臨時所

稱此齊侯自稱不穀襄王出奔亦稱不穀皆出自當

時之意耳爾雅訓穀為善穀是養人對曰君惠徼福

之物言我不似穀之養人是謙也

於敝邑之社稷辱收寡君寡君之願也齊侯曰以此

眾戰誰能禦之以此攻城何城不克對曰君若以德

綏諸侯誰敢不服君若以力楚國方城以為城漢水

以為池方城山在南陽葉縣南以言竟土之遠漢

水出武都至江夏南入江言其險固以當城池○微

反要也漢水以為池本或作漢以雖眾無所用之屈

為池水衍字葉始涉反當丁浪反完及諸侯盟

陳轅濤塗謂鄭申侯曰師出於陳鄭

之間國必甚病申侯鄭大夫當有供給之費故

若出於東方觀兵於東夷循海而歸其可也○

東夷鄭莒徐夷也觀兵示威申侯曰善濤塗以

音談申侯曰善濤塗以

春秋

春秋左傳卷之二十一 齊侯許之

告齊侯許之。許出東方申侯見曰師老矣若出於

東方而遇敵懼不可用也若出於陳鄭之間共其資

糧扉屨其可也。扉草屨。音良扉符費反。資糧扉

義曰少儀云君將適他臣如致金玉貨貝於君則曰

致馬資於有司鄭玄云資猶用也然則諸所費用之

物皆為資也糧謂米粟行道之食也扉屨俱是在足

之非也。是并非用草為之也。註云草屨者屨屨通言耳

履麻作之曰扉粗者謂之屨喪服傳曰疏屨者蕪蒯

相形以曉人也。齊侯說與之虎牢。還以鄭邑賜之

定本為草屨。齊侯說與之虎牢。還以鄭邑賜之

音悅執轅濤塗。秋伐陳討不忠也。以濤塗為誤

軍道。許穆公卒于師葬之以侯禮也。男而以侯

禮加一等。凡諸侯薨于朝會加一等。諸侯命有三

等。公為上等侯伯中等子男為下等。死王事加二等。

謂以死勤事。諸侯薨至二等。正義曰沈氏云

因王事或戰陳而於是有以袞斂。袞衣公服也謂

加二等。袞古本反袞冕。冬叔孫戴伯帥師會諸

侯之師侵陳陳成歸轅濤塗。陳服罪故歸其大夫

戴謚也。初晉獻公欲以驪姬為夫人卜之不吉筮

之吉。卜之不吉筮之吉。正義曰曲禮云卜筮不

相襲鄭玄云卜不吉則又筮筮不吉則又卜

是瀆龜筮也晉獻公卜娶驪姬不吉公曰筮之是也

如彼記云卜之不吉不合更筮但獻公既愛驪姬欲

春秋左傳卷之二十一 齊侯許之

必尊其位故卜既不吉更令筮之冀乎筮而得吉所以遂已心也詩云我龜既厭不我告猶鄭玄云卜筮數而瀆龜龜虛厭之不復告其所圖之吉凶由是貫瀆龜筮不復告之以實故終實不吉而筮稱其吉是筮非不知而不以實告也周禮筮人云凡國之大事先筮而後卜鄭玄云當用卜者先筮之即事漸也於筮之凶則止不卜而傳稱桓公卜季友晉獻公卜驪姬晉文公卜納王趙鞅卜救鄭皆先卜而後筮者周禮言其正法耳春秋之世臨時請問者或卜或筮出自當時之心不必皆先筮後卜崔靈恩以為國之大事先筮而後卜筮凶則止不卜者筮必以三代之法若三法皆凶則止不卜若兩法是凶一法為吉名為筮逆猶是疑限故更卜以決之則洪範筮逆龜從是也故大小卜掌三兆三易儀禮特牲少牢筮皆旅占是筮有眾占之法則靈公曰從筮卜人曰筮短龜長不恩之說義亦可通

如從長 物生而後有象象而後有滋滋而後有數

龜象筮數故象長數短 義曰筮數以上皆十五年傳象者物初生之形數者物滋息之狀凡物皆先有形象乃有滋息是數從象生也龜以本象金木水火土之兆以示人故為長筮以末數七八九六之策以示人故為短周禮占人掌占龜鄭玄云占人亦占筮言掌占龜者筮短龜長主於長者亦用此傳為說案易繫辭云著之德圓而神卦之德方以智神以知來知以藏往然則知來藏往是為極妙雖龜之長無以加此聖人演筮以為易所知豈短於卜卜人欲令公舍筮從卜故云筮短龜長非是龜能實長杜欲成筮短龜長之意故引傳文以證之若至理而**且其繇曰專之渝攘公之掄** 繇言卜筮實無長短

卜兆辭渝變也攘除也掄美也言變乃除公之美 直救反渝羊朱反下一薰一蕪十年尚猶有臭 繇同音攘如羊反

香草猶臭草十年有臭言善易消惡難除
○薰許云反舊音由
 易以專之至有臭○正義曰言公若專心愛之公
 豉反○心必將改變變乃除公之美公先有美此人
 將除去之薰是香草猶是臭草一薰一蕪言分數正
 等使之相和雖積十年尚猶有臭氣香氣盡而臭氣
 存言善惡聚而多少敵善不能止惡而惡能消善○
 繇卜至之美○正義曰筮卦之辭亦各為繇但此
 是卜人之言知是卜兆辭也卜人舉此辭以止公則
 兆頌舊有此辭非卜人始為之也卜人言其辭而不
 言其意不知得何兆兆此意何所出也渝變壞除皆釋
 言文也釋畜云夏羊牡渝牝殺則渝是羊之名美善
 之字皆從羊故渝為美也變乃除公之美言公心必
 變而除公美也○薰香至難除○正義曰此傳之
 意言善惡相雜二字皆從草知是香草臭草也月令
 五時各言其臭中央土云其臭香易繫辭云其臭如
 蘭傳稱在君之臭味則臭是氣之總名元非善惡之
 稱但既謂善氣為香故專以惡氣為臭耳手是數之

小成故舉以為言焉十年香氣盡矣惡氣尚存言善
 易消而惡難滅也杜知菑是臭者內則云牛夜鳴則
 膺彼膺亦是臭義其字雖異其意亦同尚猶有臭猶
 則尚之義重言之耳猶尚書云弗遑暇食遑則暇也
 必不可弗聽立之生奚齊其姊生卓子及將立奚齊
 既與中大夫成謀姬謂大子曰君夢齊姜必速祭之
 齊姜大子母言求食○卓吐
 于公○肸祭之酒肉○肸才
 故反
 公田姬寘諸宮六日公
 至毒而獻之○毒酒經宿輒敗而經六日明公惑之
 ○寘之
 公祭之地地墳與犬犬斃與小臣小臣亦斃
 豉反
 公田至亦斃○正義曰晉語說此事云公田驅姬
 受肸乃寘酖於酒寘董於肉公至召申生獻公祭

兵

地地墳申生恐而出驪姬與犬肉犬斃飲小臣酒亦
 斃此傳既畧當如國語也賈逵云董烏頭也穀梁傳
 曰以醜為酒藥脯以毒○毒酒至惑之○正義曰
 毒酒經宿便敗而公不怪其六日仍得如故明公之
 惑於驪姬不以
 六日為怪也
 姬泣曰賊由大子大子奔新城
 城曲沃○墳扶粉反
 公殺其傅杜原款或謂大子子
 辭君必辯焉
 以六日之狀自理○款若管反
 大子
 曰君非姬氏居不安食不飽我辭姬必有罪君老矣
 吾又不樂
 吾自理則姬死姬死則君必不樂不樂
 為由吾也○樂音
 洛註同
 日子其行乎大子曰君實不察其
 罪被此名也以出人誰納我十二月戊申縊于新城

皮

曰

姬遂諧二公子曰皆知之重耳奔蒲夷吾奔屈
 子時在朝為明年晉殺申生傳
 被皮寄反又反綺反
 縊一賜反諧側鳩反
 經五年春晉侯殺其世子申生
 稱晉侯惡用讒書春
 從告
 路反
 稱晉至從告○正義曰公羊傳曰
 稱君者甚之也言父子相殘惡之甚者是惡其用讒
 殺大子故斥言晉侯以罪之罪晉侯則申生無罪也
 傳稱晉侯使以殺大子申生之故來告實以去年死
 告稱今年殺故以今年書也釋例曰晉魯又不交使
 而告殺申生則所告不必嘗有玉帛之使但欲廣聲
 其罪耳言廣聲其罪則晉侯謂讒言為實誣加大子
 以罪時史知其實改告而書之
 此傳不言書日則是舊史然也
 杞伯姬來朝其子
 無傳伯姬來寧寧成風也朝其子

春秋左傳

卷之二十二

五十四

者時子年在十歲左右因有諸侯子得行朝義而卒不成朝禮故繫於母而曰朝其子

○杞伯姬來絕句來歸寧朝其子猶言其朝

○正義曰伯姬未必是成風所生但哀姜既死成風得為夫人縱非其母亦得歸寧也沈氏云伯姬以莊二十五年六月歸于杞假令後年生子則其年十四矣杜云十歲左右者以其從母言朝故云十歲左右也桓九年曹伯使世子射姑來朝是諸侯之子得有攝君之禮行朝之義

但此子幼弱而卒不成朝故繫於母而曰朝其子也若其能行朝禮則世子當如射姑伯姬別言來耳

夏公孫茲如牟叔孫戴伯娶于牟卿非君命不越竟

故奉公命聘於牟因自為逆○竟首境為于僞反

義曰牟是附庸之國唯桓十五年邾人牟人葛人來朝自爾以來更不朝聘於魯魯不應使卿聘此小國

公及齊侯宋公陳侯衛侯鄭伯許男曹伯會王世子于首止聘

當是叔孫聘妻已定但卿非君命不得越竟故吝公請使奉君命以聘因自為逆婦故傳稱娶焉明其因娶而聘

地陳留襄邑縣東南有首鄉

秋八月諸侯盟于首止間無異事復稱諸侯者王世子不盟故也王之世子尊與王同齊桓行霸翼戴天子尊崇王室故殊貴世子

○復扶又反間無至世子

傳曰諸侯何以不序一事而再見者前目而後凡也言此諸侯還是上會之諸侯故從省文不復序也昭

也

十三年秋公會劉子晉侯云云于平丘八月甲戌同盟于平丘不言諸侯者為間無異事故也九年夏公會幸周公齊侯云云于葵丘九月諸侯盟于葵丘言諸侯者為其間有伯姬卒故也此會盟之間無他與事復稱諸侯者為王世子不盟故也穀梁傳曰復舉諸侯何也尊王世子而不敢與盟也釋例曰未有臣而盟君臣而盟君是子可盟父故春秋王世子以下會諸侯者皆同會而不同盟是解復言諸侯者見王世子不與盟也王世子者王之儲副周禮膳夫掌養王及后世子歲終則會唯王及后世子之膳不會是其尊與王同也齊桓行霸翼戴天子尊崇王室故殊貴王之世子於會則歷序諸侯言會王世子則王世子不序諸侯之列也盟則諸侯自盟世子不與是殊貴世子也鄭伯逃歸不盟

逃 逃其至三年○正其師而歸之逃例在文三年

義 曰禮君行師從卿行旅從雖則會盟必有師旅鄭伯棄其師眾輕身逃歸釋例曰國君而逃師棄盟違其典儀棄其章服羣

臣不知其謀社稷不保其安此與匹夫逃竄無異故例在上曰逃是言稱逃之意也逃在盟前辟盟而逃故云逃歸不盟公還先告會盟故後書鄭伯

楚人滅弦弦子奔黃 弦國在弋陽鞅縣東南○鞅音犬

九月戊申朔日有食之 無傳

冬晉人執虞公 虞公貪璧馬之寶距絕忠諫稱人以

執同於無道於其民之例例在成十五年所以罪虞且言易也晉侯修虞之祀而歸其職貢於王故不以

滅同姓為譏○易以

之例虞公於傳未有不道之狀但虞公貪璧馬之寶拒絕忠諫諫者所以安存社稷保佑下民志在貪寶

無恤民之意，即為不道於民，是故稱人以執之也。實是滅其國而言執其君者，所以罪虞公且言執之易。釋例曰：虞公昧於貨賄，貪以自亡國，非其國臣非其臣，晉人取之，若執一夫，故稱人以執而不言滅罪虞。且言易也。二十五年，衛侯燬滅邢，傳曰：同姓也，故名虞亦晉之同姓，不言晉侯名者，傳稱晉侯修虞祀，且歸其職貢於王，以是之故，不以滅同姓為譏，謂不書晉侯名也。

傳五年春王正月辛亥朔日南至。周正月今十一月冬至之日，日南極，公既視朔，遂登觀臺以望而書禮也。

禮也。視朔，親告朔也。觀臺，臺上構屋，可以遠觀者也。朔且冬至，歷數之所始，治歷者因此，則可以明其術數，審別陰陽，敘事訓民，魯君不能常修此禮，故善。

直

公之得禮。登觀古亂反，註同臺以望絕句而凡分書本或作而書雲物非也，別彼列反。

至啓閉必書雲物。分春秋分也，至冬夏至也，啓立春立夏，閉立秋立冬，雲物氣色災變也，傳重申周典。

不言公者，日官掌其職。重有為備故也。素察妖祥，逆為之備。辛亥至備故也。正義曰：辛亥朔者，班朔於諸侯，諸侯受而藏之於大祖廟，每月之朔告廟受而行之，諸侯有觀臺，所以望氣祥也。公既親自行此視朔之禮，遂以其日往登觀臺之上，以瞻望雲及物之氣色，而書其所見之物，是禮也。凡春秋分冬夏至，立春立夏，夏為啓，立秋立冬，為閉，用此八節之日，必登觀臺，書其所見雲物氣色，若有雲物變異，則是歲之妖祥，既見其事，後必有驗，書之者為豫備故也。視朔者，月朔之禮也，登臺者，至日之禮也，公常以一

日視朔至日登臺但此朔即是至日故視朔而遂登
 臺也○**周**正至南極○正義曰日之行天有南有
 北常立八尺之表以候景之短長夏至之景尺有五
 寸日最長而景最短是謂日北至也自是以後日稍
 近南冬至之景一丈三尺日最短而景最長是謂日
 南至也冬至者十一月之中氣中氣者月半之氣也
 月朔而已得中氣是必前月閏閏前之月則中氣在
 晦閏後之月則中氣在朔閏者聚殘餘分之二其月
 無中氣半屬前月半屬後月是去年閏十二月十六
 日已得此年正月朔大雪節故此正月朔得冬至也
 而杜長歷僖元年閏十一月此年閏十二月又閏之
 相去歷家大率三十三月耳杜於此閏相去凡五十
 月不與歷數同者杜推勘春秋日月上下置閏或稀
 或概自準春秋時法故不與常歷同○**禮**視朔至得
 禮○正義曰視朔者公既告廟受朔即聽視此朔之
 政是其親告朔也禮天子曰靈臺諸侯曰觀臺釋宮
 云四方而高曰臺臺上構屋可以遠觀望故謂之觀
 臺也古之為歷者皆舉其大數周年有三百六十五

日四分日之一分爲十二月則一月各有三十日十
 六分日之七是故從前月初節至後月初節必三十
 九日過半而月及日謂之一月故從朔至朔唯二十
 九日過半耳計一歲則有餘十一日而不得周年故
 作閏月以補之計十九年而有七閏古歷十九年爲
 一章以其閏餘盡故也步歷之始以朔旦冬至爲首
 歷之上元其年是十一月朔旦冬至至十九年閏月
 盡復得十一月朔旦冬至故以十九年爲一章積章
 成部積部成紀治歷者以此章部爲法因此可以明
 其術數推之而知氣朔也審別陰陽寒暑不失其時
 也所以陳敘時事教訓下民魯君不能常修此事故
 善公之得禮也○**禮**分春至其職○正義曰一年分
 爲四時時皆九十餘日春之半稱春秋之半晝夜長短等
 晝夜中分百刻故春秋之半稱春秋分也冬之半夏
 也四時晝夜長短極極訓爲至故冬夏之半稱冬夏至
 當啓殺物則當閉故立春立夏爲啓立秋立冬爲閉

言物謂氣色者謂非雲而別有氣色杜恐與雲相亂故別云氣色也周禮保章氏以五雲之物辨吉凶水旱降豐荒之祲象鄭玄云物色也視日旁雲氣之色青為蟲白為喪赤為兵荒黑為水黃為豐眾之此言蓋出占候之書計雲氣之占不盡此而已但世絕其學故莫能知焉左傳諸所發凡皆是周之舊典既言禮也更復發凡是重申周典也直言必書雲物不更云公是日官掌其職非公所當親也劉炫規云書雲物亦是公親為之但上文有公既視朔故下文去公字耳今刪定知不然者上文公既視朔是傳家之語下文必書雲物是周公舊凡舊凡之文包諸侯天子若諸侯稱公書雲物則天子當稱王書雲物是知舊凡元無王公之文日官掌其事若以上文有公既視朔故去公字然則周公舊凡豈豫知有公既視朔沒去公字乎苟生異見妄規杜氏非也

晉 侯使以殺大子申生之故來告

釋經 必須告乃書

初晉侯使士蔣為二公子築蒲與屈不慎寘薪焉

不謹慎 ○為于偽反下乃 謹慎所為多寘薪於中

焉若今 夷吾訴之公使讓之 謹讓之 ○謹棄 士蔣

稽首而對曰 士蔣稽首 ○正義曰周禮大祝辨九

玄云稽首拜頭至地也頓首三拜頭叩地也空首拜頭至手所謂拜手也鄭唯解此三者拜之形容所以為異也稽首頭至地頭下緩至地也頓首頭不至地暫一叩之而已尚書每稱拜手稽首者初為拜頭至手乃復叩頭以至地至手是為拜手至地乃為稽首然則凡為稽首者皆先為拜手乃成稽首故尚書拜手稽首連言之傳雖不言拜手當亦先為拜手乃為稽首稽首拜手共成一拜之禮此其為敬之極故臣於君乃然孔安國以為盡禮致敬知此是禮之極盡也大祝九拜又云四曰振動五曰吉拜六曰凶拜七曰

奇拜八曰衰拜九曰肅拜鄭玄云振動戰栗變動之拜拜而後稽顙謂齊衰不杖以下者凶拜稽顙而後拜謂三年服者奇拜謂一拜答臣下拜衰拜再拜拜神與尸肅拜今時禮也介者不拜說者又以爲稽首臣拜君也頓首謂敵者相拜也空首謂君答臣拜也

臣聞之無喪而感憂必讐焉國讐猶對也無戎而城讐必保焉國保而守之寇

讐之保又何慎焉守官廢命不敬固讐之保不忠失

忠與敬何以事君詩云懷德惟寧宗子惟城國詩大

雅懷德以安則宗子之固若城國詩云至惟城國正義曰詩大雅板之

七章懷和也寧安也和其德以撫民則其國君其修

德而固宗子何城如之國言城不如固宗子三年將

尋師焉焉用慎國尋用也國於虔反退而賦曰狐裘尫

茸一國三公吾誰適從國士薦自作詩也尫茸亂貌

公與二公子爲三言城不堅則爲公子所訴爲公所

讓堅之則爲固讐不忠無以事君故不知所從國莫紅

反又音蒙茸如容反及難公使寺人披伐蒲重耳曰

君父之命不投乃徇曰投者吾讐也喻垣而走披斬

其袪遂出奔翟國袪袪也國音教徇似浚反垣音袁袪

起魚反翟音翟袪袪也國正義曰禮深衣記云袪

狄袪面世反國之長短反詘之及肘喪服云袪屬幅

肘則從幅盡於袖口總各爲袪其袪近口又別各爲

袪袪

袪袪

袪袪

袪袪

袪袪

祛此斬其祛斬其袖之末也詩唐風羔裘傳云祛袂未鄭玄王藻註云祛袂口也但袂是總名得以袂表祛故云 ○夏公孫茲如牟娶焉 因聘而娶故傳實

其事 ○娶七喻反 本又作取 ○會于首止會王太子鄭謀寧周

也 ○會于首止會王太子鄭謀寧周

桓帥諸侯會王太子以定其位 ○正義曰二十四年

傳曰不穀不德得罪于母氏之寵于帶書曰天王出居于鄭辟母弟之難也如彼傳文則襄王與于帶俱是惠后所生但其母鍾愛其少子故欲廢大子而立之周本紀云襄王母早死後母曰惠后生叔帶與傳不同史記繆也七年惠王崩襄王畏子帶不敢發喪知此時有廢大子之意故齊桓帥諸侯會太子定其位安王 ○陳轅宣仲怨鄭申侯之反已於召陵 ○宣

仲轅壽塗故勸之城其賜邑 ○齊桓所賜虎牢曰美

城之大名也子孫不忘吾助子請乃為之請於諸侯

而城之美 ○樓櫓之備美設 ○美城之絕 句櫓音魯 遂譖諸鄭

伯曰美城其賜邑將以叛也申侯由是得罪 ○為七

年鄭殺申侯傳 ○秋諸侯盟王使周公召鄭伯曰吾

撫女以從楚輔之以晉可以少安 ○周公宰孔也王

恨齊桓定大子之位故召鄭伯使叛齊也晉楚不服

於齊故以鎮安鄭 ○秋諸侯盟本或此下更 有于前止三字非女音汝 鄭伯喜

於王命而懼其不朝於齊也故逃歸不盟孔叔止之

一作謂甚
註為疑當作謂

曰國君不可以輕。輕則失親。孔叔鄭大夫親黨援

也。○輕遣正失親患必至病而乞盟。所喪多矣。君必

悔之弗聽。逃其師而歸。○喪息楚鬪穀於菟滅弦。

弦子奔黃。於是江黃道栢方睦於齊。皆弦姻也。○姻

外親也。道國在汝南安陽縣南。栢國名。汝南西平縣

有栢亭。弦子恃之而不事楚。又不設備。故亡。○晉侯

復假道於虞。以伐虢。宮之奇諫曰。虢虞之表也。虢亡

虞必從之。晉不可啓。寇不可翫。○復扶又

經註一之為甚。其可再乎。○翫習也為二年假晉道滅下陽。

諺所謂輔車相依。唇亡齒寒者。其虞虢之謂也。○輔

頰。輔車牙車。○車尺輔頰輔車牙車。○正義曰

者並言。則各為一物。廣雅云。輔頰也。則輔頰為一。釋

名曰頰。或曰輔車。其骨彊。可以輔持其口。或謂牙車

牙所載也。或謂頰車也。衛風碩人云。巧笑倩兮。毛傳

云。好口輔也。如此諸文。牙車頰車。牙下骨之名也。頰

之與輔。口旁肌之名也。蓋輔車一處。分為二名耳。輔為外表。車是內骨。故云相依也。公曰。晉吾

宗也。豈害我哉。對曰。大伯虞仲。大王之昭也。大伯不

從。是以不嗣。○大伯虞仲。皆大王之子。不從父命。俱

讓適吳。仲雍支子。別封西吳。虞公其後也。穆生昭。昭

生穆。以世次計。故大伯虞仲。於周為昭。○大音泰下

及註同昭上

及古蜀

春和正

饒反註同後

號仲號叔

王季之穆也

王季者

大伯

虞仲之母弟也。號仲號叔。王季之子。文王之母弟也。

仲叔皆號君字

仲

王季至君字。正義曰：大伯虞仲，辟季歷適荆蠻，若有適庶，不須

相辟，知其皆同母也。周本紀云：古公有長子曰大伯，次曰虞仲，大姜生季歷，如史記之文，似王季與大伯

別母，馬遷之言，疏繆耳。此言號仲號叔，王季之穆，國語稱文王，敬友二號，故亦以爲文王母弟，母弟之言，

事無所出。仲叔皆文王之時，號君字也。據傳云：鄭滅一號，晉滅一號，不知誰是。仲後誰是？叔後賈逵云：號

仲封東，號叔封西，號公是也。馬融云：號叔封上陽，案

傳上陽，下陽同是號國之邑，不得分封二人也。若二號共處，鄭復安得號國而滅之？雖賈之言，亦無明證，

各以意解，不可審知。

爲文王卿士，勲在王室，藏於盟府。

盟府

司盟之官

盟

盟府司盟之官。正義曰：周禮司盟，盟則貳之，鄭玄云：貳之者，寫副當以授六官，唯言會

同之盟，不掌勲功之事，而得有二號之勲，藏在盟府者，凡諸侯初受封爵，必有盟誓之言，檀弓云：衛大史

柳莊死，公與之邑，裘氏與縣，潘氏書而納諸棺，曰：世萬子孫毋變也。其言即盟誓之辭也。漢書功臣侯

表記：高祖卽位，八載天下，乃平始論功而定封侯者，一百四十三人，封爵之誓曰：使黃河如帶，泰山若礪，

國以永存，爰及苗裔，其誓即盟之類事，必有因於古，明知以勲受封，必有盟誓。

其辭當藏於司盟之府也。將號是滅，何愛於虞，且虞能親於桓莊乎？其愛之也。○正義曰：愛

於桓莊乎？其當愛此虞也。服虔其作甚，註云：愛之甚，當謂愛桓莊之族甚也。愛之若甚，何以誅之？且文勢

不順，又改字失。桓莊之族，何罪而以爲戮，不唯偏乎？

真繆之甚也。

桓莊之族，何罪而以爲戮，不唯偏乎？

不唯偏乎。

水火

卷之二十一

及古

桓叔莊伯之族晉獻公之從祖昆弟獻公患其偏

盡殺之事在莊二十五年○偏彼**桓叔至五年**

之族從父昆弟也桓叔之族從祖昆弟也唯言從祖昆弟舉疏者而畧言耳**親以寵偏猶**

尚害之況以國乎公曰吾享祀豐絜神必據我

猶安也**對曰臣聞之鬼神非人實親惟德是**

依故周書曰皇天無親惟德是輔○周書逸書又曰

黍稷非馨明德惟馨○馨香之遠聞**又曰**

民不易物惟德馨物○黍稷牲玉無德則不見饗有

德則見饗言物一而異用**○繫惡兮**○周書至繫物

天無親惟德是輔蔡仲之命文也黍稷非馨明德惟馨君陳文也人不易物惟德其物旅葵文也杜不堯古文故以為逸書此傳與書異者其作繫師授不同字改易耳其意亦不異也民不易物者設有二人俱以物祭其祭相似不改易此物惟有德者繫此乃是物無德而薦神所不享則此物不是物也**如是**

則非德民不和神不享矣神所馮依將在德矣若晉

取虞而明德以薦馨香神其吐之乎弗聽許晉使官

之奇以其族行○馮皮冰反下**行去也**○以其族

義曰晉語云宮之奇諫而不聽出謂其子曰將亡矣吾不去懼及焉以其祭適西山韋昭云西山國西界也**曰虞不臘矣**○臘歲終祭眾神之名**臘力**

臘矣**○正義曰月令孟冬臘門闔及先祖五祀臘之**

見於傳記者唯月令與此文而已秦本紀惠王十

年火流

卷之二十二 三十二

曰

子

春秋

卷之三

漢書

二年初臘始皇三十一年更改臘曰嘉平祭邕獨斷云臘者歲終大祭縱吏民宴飲非迎氣故但送不迎應劭風俗通云案禮夏曰嘉平殷曰清祀周曰大蜡漢驚臘臘者獵也田獵取獸祭先祖也此言虞不臘矣明當時有臘祭周時臘與大蜡各為一祭言漢改曰臘不蜡而為臘矣

更舉矣國不更舉兵八月甲午晉侯圍上陽國上陽

虢國都在弘農陝縣東南問於卜偃曰吾其濟乎對

曰克之公曰何時對曰童謠云丙之晨龍尾伏辰國

龍尾尾星也日月之會曰辰日在尾故尾星伏不見

○謠音遙見賢通反均服振振取虢之旂國戒事上下同服振

振盛貌旂軍之旌旗○均如字同也字書作均音同振音真註同鶉之賁

賁天策焯焯火中成軍虢公其奔國鶉鶉火星也賁

賁鳥星之體也天策傳說星時近日星微焯焯無光

耀也言丙子平旦鶉火中軍事有成功也此已上皆

童謠言也童齒之子未有念慮之感而會成嬉戲之

言似若有焉者其言或中或否博覽之士能懼思之

人兼而志之以為將來之驗有益於世教○鶉述春反又常倫

反賁音奔焯他門反說音悅近附近之近上時掌反齒初問反又恥問反毀齒也嬉戲許宜反中丁仲反

其九月十月之交乎國以星驗推之知九月十月之

交謂夏九月十月之交晦朔交會○夏戶雅反下同丙子旦

以為監戒

春秋

卷之三十三

及古

日在尾月在策是夜日月合朔於尾月行疾故至

且而過在策鵠火中必是時也童謠至時也○正義曰釋樂云徒歌

謂之謠言無樂而空歌其聲逍遙然也於時有童穉

之子為此歌謠之辭故卜偃取以對公也夜之向明

為晨日月聚會為辰星宿不見為伏言乙日夜半之

後丙日將旦之時龍尾之星伏在合辰之下當是之

時軍人上下均同其服振振然而盛旂者晉軍旂也

而往取虢故云取虢之旂南方鵠鳥之星其體賁責

然見於南方天策之星近日焯焯然無光耀甚微也

鵠火之次正中於南方爾時其當成軍事也虢公其

當奔走也既引童謠之言乃復指其時日在夏之九

月十月之交乎謂九月十月晦朔之交也十月朔丙

子之日平旦時日體在尾星月在天策星鵠火正中

於南方必是時克之○龍尾至不見○正義曰東

方七宿皆為蒼龍之宿其龍南首北尾角是龍角尾

即龍尾故云龍尾星也日月之會為辰昭七年傳

文於時日體在尾尾星與日同處共日俱出入故常

伏不見也丙之晨者說文云晨早昧爽也謂夜將旦

雞鳴時也○戎事上下同服○正義曰周禮司服

職云凡兵事章弁服鄭玄云章弁以韎韠為弁又以

為衣裳今時伍伯緹衣古兵服之遺色然則在兵之

服皆章弁均服者謂兵戎之事貴賤上下均同此服

也○鵠鵠至世教○正義曰南方七宿皆為朱鳥

之宿其鳥西首東尾故未為鵠首午為鵠火巳為鵠

尾鵠火星者謂柳星張也天策傳說星史記天官書

之文莊子云傳說得之以騎箕尾傳說殷高宗之相

驗有益於世教故書傳時有採用之者文三年傳曰

士及能懼思之人兼而志之以為鑒戒以為將來之

辭而羣聚集會成此嬉遊遨戲之言其言韻而有理

似若有神馮之者其言或中或否不可常用博覽之

驗有益於世教故書傳時有採用之者文三年傳曰

士及能懼思之人兼而志之以為鑒戒以為將來之

且

春禾正

卷之三

漢書

孟明之臣也其不解也。能懼思也。能懼思之人。謂孟明之類也。○是夜至在策。○正義曰。以三統歷推之。此夜是月小餘盡。夜半合朔。在尾十四度。從乙夜半至平旦。日行四分度之一。月行三度有餘。故丙子旦日在尾星。月在天策。鶉火之次。正中也。月令孟冬之月。日在尾昏危中。旦七星中。七星則鶉火次之星也。冬十二月丙子朔。晉滅虢。虢公醜奔京師。不書。

不告也。周十二月夏之十月。師還館于虞。遂襲虞滅

之。執虞公及其大夫井伯。以勝秦穆姬。秦穆姬晉

獻公女。送女曰勝。以屈辱之。而修虞祀。且歸其職貢

於王。虞所命祀。虞所命祀。○正義曰。虞受王

竟內山川之神也。既滅其國。故代虞祭之。故書曰。晉人執虞公。罪虞公言

易也。○易以鼓反

春秋

卷之三十五

及古

春秋左傳註疏卷第十三

僖六年盡十四年

晉杜氏註

唐孔穎達疏

經六年春王正月

夏公會齊侯宋公陳侯衛侯曹伯伐鄭圍新城註新城

鄭新密今滎陽密縣

秋楚人圍許註楚子不親圍以圍者告諸侯遂救許註

皆伐鄭之諸侯故不復更敘

冬公至自伐鄭註無傳註公至自伐鄭。正義曰二十八年公會晉侯云云于溫諸

侯遂圍許二十九年公至自圍許此年會伐鄭遂救許不稱至自救許而云至自伐鄭與溫會反者釋例曰諸若此類事勢相接或以始致或以終致蓋時史之異也此事當由公至自告廟所告不同史依告而書不為義例

傳六年春晉侯使賈華伐屈夷吾不能守盟而行

賈華晉大夫非不欲校力不能守言不如重耳之賢

將奔狄卻芮曰後出同走罪也

相隨卻去逆反芮如銳反不如之梁梁近秦而幸焉乃之梁

以求入近附近之近夏諸侯伐鄭以其逃首止之盟故

也

也首止盟在五年圍新密鄭所以不時城也實新密而經言新城者鄭以非時興土功齊桓聲其罪以告諸侯

言圍新城傳云鄭所以不時城也解經言新城之意鄭以非時築城違禮害民齊桓聲其罪以告諸侯故書新城以新城為鄭之罪狀劉炫云先王之制諸侯無故不造城造城則攻其所造司馬法曰產城攻其所產

是也秋楚子圍許以救鄭諸侯救許乃還冬蔡穆侯將許僖公以見楚子於武城

猶有忿志而諸侯各罷兵故蔡將許君歸楚武城楚地

在南陽宛縣北見賢編反罷皮罵反又皮買反宛於元反許男面縛

新

扶

銜璧大夫衰經士輿櫬縛手於後唯見其面以璧

為贄手縛故銜之櫬棺也將受死故衰經衰七雷

反註同櫬初觀反贄音至一音置如字縛如字舊扶臥反楚子問諸逢伯逢伯

楚大夫對曰咎武王克殷微子啓如是微子啓紂

庶兄宋之祖也微子至祖也○正義曰案宋世

帝紂之庶兄周武王克殷微子乃持其祭器造於軍

門肉袒面縛左牽羊右把茅膝行而前以告於是武

王乃釋微子復其位成王誅武庚乃命微子代殷之

後國於宋史記之言多有錯謬微子手縛於後故以

口銜璧又焉得牽羊把武王親釋其縛受其璧而祓

茅也此皆馬遷之妄也祓除凶之禮○說文云除惡之祭也

義曰周禮女巫掌歲時祓除謂之祓除明是除凶之

禮也襄二十九年稱公臨喪使巫以桃茷先祓殯此

亦當以桃亦當以桃焚其櫬禮而命之使復其所楚子從之

經七年春齊人伐鄭無傳即犁來始得王命而來朝也

夏小邾子來朝之別封故曰小邾

鄭殺其大夫申侯申侯鄭卿專利而不厭故稱名以

殺罪之也例在文六年厭於鹽

秋七月公會齊侯宋公陳世子款鄭世子華盟于甯母

高平方與縣東有泥母亭音如甯○母如字又音

無註同方音房

楚

與音豫泥乃麗反
又音甯王奴兮反

曹伯班卒。無傳。五年同盟于首止。

公子友如齊。無傳。罷盟而聘。謝不敏也。

冬葬曹昭公。無傳。

傳七年春齊人伐鄭。孔叔言於鄭伯曰。諺有之曰。心

則不競。何憚於病。競強也。憚難也。憚徒旦反。難

年經傳。心則至於病。正義曰。競強也。言心則不

之病而。既不能彊又不能弱。所以斃也。國危矣。請下

齊以救國。公曰。吾知其所由來矣。吾知其所由來

叔既請鄭伯下齊。公初欲下齊。不知何事而來。得說
於齊後。更云吾知其說。齊所由來矣。謂由殺申侯說
齊之事。得來矣。姑少待我。欲以申侯說。對曰。朝不

及夕。何以待君。如字。朝。夏鄭殺申侯。以說于齊。且用

陳轅濤塗之譖也。濤塗譖在五年。初申侯申出也。

姊妹之子為出。有寵於楚。文王文王將死。與之璧

使行曰。唯我知女。女專利而不厭。予取予求。不女疵

瑕也。從我取。從我求。不以女為罪。皆同疵。似斯

反。又疾移反。豐。後之人將求多於女。謂嗣君也。求

多。以禮義大望責之。女必不免。我死女必速行。無適

小國將不女容焉

註政狹法峻

音狹

既葬出奔鄭又

有寵於厲公子文聞其死也曰古人有言曰知臣莫

若君弗可改也已○秋盟于甯母謀鄭故也管仲言

於齊侯曰臣聞之招攜以禮懷遠以德

禮不易無人不懷齊侯修禮於諸侯諸侯官受方物

註諸侯官司各於齊受其方所當貢天子之物

侯至之物。正義曰周禮大行人云侯服貢祀物甸服貢嬪物男服貢器物采服貢服物衛服貢材物要服貢貨物鄭玄云祀貢者犧牲之屬嬪物絲枲也器尊彝之屬服物玄纁絺纈也材物入材也貨物龜貝也如彼禮文諸侯所貢之物皆以服數為差尚書禹貢任土作貢皆貢土地所生不計路之遠近然則

周禮雖依服數亦貢土地所生不宜遠求他方之物以貢王也王室盛明之時每國貢有常職天子既衰諸侯惰慢貢賦之事無復定準故霸王總帥諸侯尊崇天子量其國之大小號令所出之物傳言諸侯尊使官司取齊約束受其方所當貢天子之物傳言諸侯各物言其一聽齊令美齊侯能以禮服諸侯鄭伯使大

子華聽命於會言於齊侯曰洩氏孔氏子人氏三族

實違君命

註三族鄭大夫洩息

我以鄭為內臣君亦無所不利焉

註以鄭事齊如封

內臣呂反齊侯將許之管仲曰君以禮與信屬諸

侯而以姦終之無乃不可乎子父不奸之謂禮守命

共時之謂信

註守君命共時事

奸音干共音恭註同違此二

事水火

卷之三十五

者姦莫大焉。公曰：諸侯有討於鄭，未捷，今苟有釁，從之，不亦可乎？

子華犯父命，是其釁隙。○隙去，對曰：君若綏之以德，加之以訓辭，而帥諸侯以討鄭，鄭將覆亡之不暇，豈敢不懼？若總其罪人以臨之。

總將領也。子華奸父之命，即罪人。○覆，反。鄭有辭矣，何懼？

以崇德也。會而列姦，何以示後嗣？

列姦，用子華。○正義曰：經書齊侯、宋公、陳世子款、鄭世子華盟于甯母，則已列於會矣。管仲方云：會而列姦，何以示後嗣者？桓公列之於會，直是列其身耳。管仲言列姦者，謂將用其姦謀，故杜云：列姦，明子華也。不受子華之請，即是會不列姦，他國無事可

以示後嗣。列姦，用子華。○正義曰：經書齊侯、宋公、陳世子款、鄭世子華盟于甯母，則已列於會矣。管仲方云：會而列姦，何以示後嗣者？桓公列之於會，直是列其身耳。管仲言列姦者，謂將用其姦謀，故杜云：列姦，明子華也。不受子華之請，即是會不列姦，他國無事可

可

記齊史無所不隱，故下句言他國記姦，則廢君盟。齊史隱諱，則損盛德也。夫諸侯之會，其

德刑禮義，無國不記。記姦之位，會位也。子華為

姦人，而列在會位，將為諸侯所記。君盟替矣。替廢

也。○替他。作而不記，非盛德也。君舉必書，雖復齊

史隱諱，亦損盛德。○復扶。君其勿許，鄭必受盟。夫子

華既為大子，而求介於大國，以弱其國，亦必不免。

介，因也。○介。鄭有叔詹、堵叔師、叔三良為政，未可間

也。齊侯辭焉。子華由是得罪於鄭。冬，鄭伯使請盟于

齊。齊侯不聽子華故。○堵，丁古反。又音。閏月

惠王崩襄王惡大叔帶之難襄王惠王太子鄭也

大叔帶襄王弟惠后之子也有寵於惠后惠后欲立

之未及而卒惡烏路反大音秦叔又作州懼不立不發喪而告難

于齊為八年盟洮傳洮他

經八年春王正月公會王人齊侯宋公衛侯許男曹伯

陳世子款盟于洮王人與諸侯盟不譏者王室有

難故洮曹地王人至曹地正義曰公羊傳曰

命也穀梁傳曰王人之先諸侯何也貴王命也弁冕

雖舊必加於首周室雖衰必先諸侯釋例以為中士

稱名下士稱人此言王人是天子之下士也諸侯相

與為盟所以同獎王室天子之臣不與諸侯同盟釋

例曰未有臣而盟君臣而盟君是子可盟父故春秋

王世子以下會諸侯者皆同會而不同盟是言王臣

正法不與諸侯盟也二十八年踐土之盟傳稱王子

虎盟諸侯于王庭杜云王子虎臨盟不同款故不書

宣七年傳曰諸侯盟于黑壤王叔桓公臨之以謀不

睦杜云王叔桓公銜天子之命以監臨諸侯不同款

尊卑之別也哀十三年傳曰公會單平公晉定公吳

夫差于黃池杜云平公周卿士也不書尊之不與會

此三者王臣皆不與盟是其正法然也若天子初立

王室不安命臣使結盟諸侯以安王室雖非正法事

勢宜然既無衰美又無貶責此王人與諸侯盟不譏

者王室有難王敕使來盟故也文十年及蘇子盟于

女栗傳曰頃王立故也襄三年公會單子晉侯云云

盟于雞澤杜云周靈王新即位使王官伯出與諸侯

盟以安王室皆事與此同以情義可許故都無貶書

二十九年翟泉之盟於時諸侯新睦王室無虞而王

子虎下盟列國以瀆大典故貶稱王人是依禮不合

與不譏皆鄭伯乞盟新服未與會故不序列別言
從此例與音同使子華聽命心猶未服齊桓拒子華
乞盟預下同之請故今始服從齊桓以其新服尚未與之會故不
序列而別言乞盟止言乞盟不知與盟以否傳稱鄭
伯乞盟請服也既言請服義無不受當是既盟之後
而別與之盟諸言乞師皆乞得其師知此乞盟亦乞
得其盟但盟理可
見不復別言盟耳

夏狄伐晉

秋七月禘于大廟用致夫人禘禘三年大祭之名大廟

周公廟致者致新死之主於廟而列之昭穆夫人淫
而與殺不薨於寢於禮不應致故僖公疑其禮歷三

禘今果行之嫌與常故書之殺音試禘三至

義曰釋天云禘大祭也言其大於四時之祭故為三
年大祭之名言每積三年而一為此祭也大廟廟之
大者故為周公廟釋例曰三年喪畢致新死之主以
進於廟廟之遠主當遷入祧於是乃大祭於大廟以
審定昭穆謂之禘是說致者致新死之主於廟而列
之昭穆也此致致哀姜也哀姜薨已多年非復新死
而於今始致者傳發凡例夫人不薨于寢則不致哀
姜例不應致故僖公疑其禮喪畢之日不作禘祭之
禮以致之既不為哀姜作喪畢禘祭其禘自從閔公
數之二年除閔喪為禘至五年復禘今八年復禘姜
死以來已歷三禘今因禘祭果復行之三年一禘禘
自是常不為夫人禘祭因禘而致夫人嫌其異於常
禮故史官書之若其不致夫人則此
禘得常不書為用致夫人而書之耳

冬十有二月丁未天王崩實以前年閏月崩以今年

註定位一作位定

十二月丁未告

傳八年春盟于洮謀王室也鄭伯乞盟請服也襄王

定位而後發喪王人會洮還而後王定位○晉里

克帥師梁由靡御虢射為右以敗狄于采桑傳言

前年事也平陽北屈縣西南有采桑津射食亦反梁由

靡曰狄無恥從之必大克不恥走故可逐里克曰

懼之而已無速眾狄恐怨深而羣黨來報虢射曰

期年狄必至示之弱矣期音基本或作基注同○夏狄伐晉報

采桑之役也復期月明期年之言○秋禘而致哀

驗

姜焉非禮也凡夫人不薨于寢不殯于廟不赴于同

不祔于姑則弗致也寢小寢同同盟將葬又不以

殯過廟據經哀姜薨葬之文則為殯廟赴同祔姑今

當以不薨于寢不得致也音附凡夫至致也○正

禮有赴同祔姑反哭三事而已此說致之禮加以薨

寢殯廟而不言反哭者蓋以致於廟者終始成其尊

死生之禮畢不薨于寢死不得其所也不殯于廟葬

之不以禮也死葬非禮則先神恥之故不具四事皆

不合致反哭者直為書葬以否假使不書其葬夫人

之禮亦成自是生者之可譏非為死者之有失雖不

反哭亦得致之故於此不言反哭也寢小至致

也○正義曰喪大記云男子不死於路寢既言婦人

不死於男子之手君夫人卒於路寢既言婦人

於男子之手必不得死於君之路寢言夫人卒於路

春秋

卷之三九

及古

寢謂卒於夫人之大寢對君路寢為小故云小寢也
 同者同盟之國也檀弓曰喪之朝也順死者之孝心
 也其哀離其室也故至於祖考之廟而後行殷朝而
 殯於祖周朝而遂葬士喪禮朝而遂葬與記正同知
 周法不殯於廟而此傳及襄四年皆云不殯于廟以
 為失禮知其將葬之時不以殯過廟耳殯過廟者將
 葬之時從殯宮出告廟乃葬非是殯尸於廟中也據
 經哀姜薨葬之文知其赴同柩姑可矣亦知其殯於
 廟者以元年十二月喪至二年五月始葬明至則殯
 於寢也既殯於寢自然葬當朝廟故據葬文亦知殯
 廟唯當以不薨
 於寢不得致耳 ○冬王人來告喪難故也是以緩
 有大叔帶之難 ○宋公疾大子茲父固請曰目夷長
 且仁君其立之 茲父襄公也目夷茲父庶兄子魚
 也 ○父音甫長丁丈反 公命子魚子魚辭曰能以國讓仁孰大

焉臣不及也且又不順 立庶不順禮遂走而退

經九年春王三月丁丑宋公御說卒 四同盟 御魚

音 四同盟。正義曰御說以莊十三年即位十
 悅 六年盟于幽十九年于鄆二十七年于幽僖元
 年于榿四年于召陵五年于首止七年于甯母八年
 于洮皆魯宋俱在是為八同盟不數莊公之盟榿盟
 經不書亦不數故云四同盟劉君乃數莊公
 之盟又不數召陵以為六同盟而規杜非也

夏公會宰周公齊侯宋子衛侯鄭伯許男曹伯于葵丘

周公宰孔也宰官周采地天子三公不字宋子襄

公也傳例曰在喪公侯曰子陳畱外黃縣東有葵丘

周公至葵丘。正義曰傳稱王使宰孔賜齊侯
 昨知周公即宰孔也其官為大宰采地名為周天

文

知此葵丘

春秋正義曰：天子之宰，通於四海，其意言宰者六官之長，官名通於海內，是故書其官名也。通于四海者，當謂大宰之長官耳。其屬官不應得通，而宰、甸、宰、渠、伯、糾，則必非長官，亦稱爲宰者，蓋自宰夫以上皆通也。釋例曰：今案春秋以考之，其稱公者皆三公，非五等之公也。是言祭公、周公皆三公也。釋例又曰：王之公卿皆書爵，則卿亦不字。杜云：三公不字者，以入春秋以來，家父、南季皆大夫，稱字。宰、周公又承其後，故云不字。不於祭公、逆王后，註者因歷序諸國而言之。莊八年傳曰：連稱、管至父，戍葵丘。杜云：齊地臨淄縣西有地名葵丘，與彼異者，傳稱齊侯不務德而勤遠畧，西爲此會，則此地遠處齊西，不得近在臨淄。故釋例以爲宋地陳畱外黃縣東有葵丘，或曰河東汾陰縣爲葵丘，非也。經書夏會葵丘，九月乃盟，晉爲地主，無緣欲會而不及盟也。是說不同之意。

秋七月乙酉伯姬卒

無傳公羊穀梁曰未適人故不

稱國已許嫁則以成人之禮書不復殤也婦人許嫁

而笄猶丈夫之冠。笄。復扶又反殤式羊反。公羊

正義曰公羊傳曰此未適人何以卒許嫁矣婦人

許嫁字而笄之死則以成人之喪治之穀梁傳意亦

與之同嫁於大夫死不書卒此許嫁者嫁於國君也

但未往彼國不成彼國之婦故不稱國也喪服小記

曰男子冠而婦人笄其義一也是許嫁而笄猶丈夫

之冠也禮男子冠而不爲殤婦人笄而不爲殤故以

成人之喪治之爲之服成人之服禮姊妹在室期出

嫁大功檀弓曰姊妹之薄也蓋有受我而厚之者

爲夫厚之故孔子曰壻齊衰而弔既葬而除之其夫不

爲服則兄弟不爲降禮諸侯絕旁期此爲將嫁於諸

侯故書其卒既書其卒當服其本服爲之齊衰期也

但於時服否不可知耳

九月戊辰諸侯盟于葵丘夏會葵丘次伯姬卒文不

相比故重言諸侯宰孔先歸不與盟直用反與音預

詒夏會至與盟正義曰平丘會後即盟不言諸

侯為問無異事故也此亦會後為盟間有伯姬卒

盟會文不相比故重言諸侯又傳稱宰孔先歸則宰

孔不盟杜云宰孔先歸不與盟者欲見縱無伯姬之

卒亦當重言諸侯

甲子晉侯詭諸卒未同盟而赴以名甲子九月十一

日戊辰十五日也書在盟後從赴詭九至從赴

一作侂

寅

日也襄二十八年傳曰王人來告喪問崩日以甲子告故書之是元赴不以日被問乃稱日也文十四年傳曰七月乙卯夜齊商人弒舍齊人定懿公使來告難故書以九月是赴者不言死月魯史不復審問即書以來告之月也此甲子晉侯卒蓋赴以日而不以月魯史不復審問書其來告之日唯稱甲子而已不知甲子是何月之日故在戊辰後也若赴以九月告魯魯史當推其日之先後不得甲子在戊辰後也明告不以月故書其日耳

冬晉里克殺其君之子奚齊獻公未葬奚齊未成君

故稱君之子奚齊受命繼位無罪故里克稱名殺如字

傳同公羊音試

傳九年春宋桓公卒未葬而襄公會諸侯故曰子凡

繼疑當作繫

夏一作下

在喪王曰小童公侯曰子禮在喪未葬也小童者童
 蒙幼穉之稱子者繼父之辭公侯位尊上連王者下
 絕伯子男周康王在喪稱子一人釗禮稱亦不言小
 童或所稱之辭各有所施此謂王自稱之辭非諸夏
 所得書故經無其事傳通取舊典之文以事相接稱
 尺證反釗古禮在喪至相接○正義曰既言桓公
 堯反又音昭禮未葬即發在喪之例知其未葬謂未
 葬也童者未冠之名童而又小故為童蒙幼穉之稱
 易蒙卦云匪我求童蒙童蒙求我蒙謂闇暗也幼童
 於事多闇昧是以謂之童蒙焉曲禮曰夫人自稱於
 其君曰小童鄭玄云小童若云未成人也王崩未葬
 嗣王自稱亦言已未成人也子者對父之名故云繫
 父之辭以未成君故繫於父不忍絕之稱也諸侯爵

有五等唯言公侯曰子以公侯尊也傳稱在禮卿不
 會公侯會伯子男可也又子產云鄭伯男也使從公
 侯之貢懼弗給也是公侯之尊絕於伯子男也此既
 言王即云公侯是其與王相連特為公侯立稱伯子
 男不得同之也春秋無伯子男在喪之事既不為立
 稱又不得成君不知其當何所稱也然按桓十一年
 鄭忽出奔衛莊二十四年曹羈出奔陳杜云先君既
 葬不稱爵者國人賤之以名赴則既葬稱爵未葬稱
 名也周康王在喪稱子一人釗尚書康王之誥也曲
 禮云君天下者曰天子朝諸侯分職授政曰余一人
 天子未除喪曰余小子是禮天子自稱亦不言小童
 也此言王曰小童必有稱之時或所稱之辭各有所
 施但不知施何處耳如曲禮之文天子未除喪曰余
 小子則是未得稱一人而康王在喪稱子一人釗者
 當以諸侯列土之君將欲各歸其國故正其成君之
 稱以答諸侯也此小童者王謙自稱之辭非諸王所
 得書故經無其事其公侯曰子乃是史書之文二者
 非相類之事而并為一凡是傳通取舊典之文以事

下

類相接耳非言小童是策書之例也釋例郊雩烝嘗
 例不云地祇及禘祠者經無其事故傳畧而不言此
 王者小童亦經無其事所以言之者郊雩例多故經
 無者畧之此王曰小童與公侯相接其文簡約經雖
 無事亦連而言之釋例曰位彌高者事彌重重慮周
 於經遠故儀制與於凡人存其實篤其志足以敘親
 疎之情通萬事之理而已故諸列國之君在喪或不
 得已而修會盟之事唯公侯特稱子以別尊卑是言
 獨為公侯立稱之意春秋公侯稱子皆是其父未葬
 唯二十五年公會衛子莒慶盟于泚於時衛文公已
 葬而成公稱子釋例曰衛文公欲平莒於魯未終而
 薨故衛子尋父之志魯人由此亦修文公之好此孝
 子之至感人情之所篤故成公雖已免喪至於此盟
 降從在喪之名故經隨而書于傳從而釋之云修文
 公之好也○夏會于葵丘尋盟且修好禮也○好呼報反
 同王使宰孔賜齊侯胙胙祭肉尊之比二王後胙

才素反○沃歸胙于公此天子有事于文武賜齊侯以
 胙知胙是祭肉也周禮大宗伯以脰膾之禮親兄弟
 之國鄭玄云脰膾社稷宗廟之肉以賜同姓之國同
 福祿也脰膾即胙肉也言親兄弟之國則與姓不合
 賜也二十四年傳曰宋先代之後也於周為客天子
 有事膾焉是言二王之後禮合得之今賜齊侯是尊之比二王後也
武有祭事也使孔賜伯舅胙天子謂與姓諸侯
 曰伯舅天子至伯舅○正義曰曲禮曰五官之
 舅鄭玄云謂為三公者周禮九命作伯父與姓謂之伯
 伯齊桓是九命之伯故以伯舅呼之齊侯將下拜孔
 曰且有後命天子使孔曰以伯舅耆老加勞賜一級
 無下拜七十曰耆級等也○耆田節反一音他結
 反勞力報反級音急○

七十曰耄。級等也。正義曰：釋言云：耄，老也。舍

人云：年六十稱也。郭璞云：八十為耄。釋名云：八十

曰耄。耄，鐵也。皮黑如鐵。彼說或云六十，或云八十。杜

云：七十曰耄者，耄之年齒既無明文。曲禮云：七十曰

老。爾雅以耄為老。故以為七十。曲禮升階之法云：涉

級聚足，是級為等也。法當下拜，賜之勿下，是進一級

對曰：天威不遠，顏咫尺。言天鑒察不遠，威嚴常在

顏面之前，八寸曰咫。氏反。言天至曰咫。正義曰：顏謂額也。揚雄

方言云：顏，額謂額也。中夏謂之額。東齊謂之顙。河頰

淮泗之間謂之顏。魯語云：肅慎氏貢楛矢，長尺有咫。

賈逵亦云：八寸曰咫。說文云：周制，寸尺咫尋皆以

人之體為法。中婦人，手長八寸，謂之咫。周尺也。小

白余敢貪天子之命，無下拜。小白，齊侯名。余身也。

小白，至身也。正義曰：諸自稱余者，當稱名之

處耳。齊侯既稱小白，而復言余，故解之。余身，釋詁

文。舍人曰：余，卑謙之身也。孫炎曰：余，舒

遲之身也。郭璞曰：今人亦自呼為身。恐隕越于下。

隕越，顛墜也。據天王居上，故言恐顛墜于下。直類

反下。以遺天子羞，敢不下拜。登受。自堂下受

胙於堂上。遺于。下拜登受。正義曰：觀禮，天子

命書于其上，升自西階，東面。太史氏右，侯氏升，西面

立。太史述命，侯氏降，兩階之間，北面再拜稽首，升成

拜。彼侯氏降階再拜，是此。秋，齊侯盟諸侯于葵丘。

下拜也。升成拜，是此。登受。義取修好。

曰：凡我同盟之人，既盟之後，言歸于好。義取修好。

故傳顯其盟辭。宰孔先歸。既會，先諸侯去。先諸

侯欲求會葵丘，齊侯不

或

務德而勤遠畧故北伐山戎在莊三十一年南伐

楚在四年西為此會也東畧之不知西則否矣言復向東必不能復西畧

務靖亂無勤於行在存也微戒獻公言晉將有亂

晉侯乃還不復會齊○九月晉獻公卒里克平鄭

欲納文公故以三公子之徒作亂平鄭晉大夫三

公子申生重耳夷吾悲反初獻公使荀息傅奚齊

公疾召之曰以是藐諸孤言其幼賤與諸子縣藐

公疾召之曰以是藐諸孤言其至縣藐○正義曰藐者縣

藐妙小反又言其至縣藐○正義曰藐者縣

亡角反縣音玄遠之言諸子皆長而奚齊獨幼是

小大相去縣藐也藐諸孤者言辱在大夫其若之何

年既幼穉縣藐於諸子之孤欲屈辱荀息使保護之稽首而對曰臣竭其股肱

之力加之以忠貞其濟君之靈也不濟則以死繼之

公曰何謂忠貞對曰公家之利知無不為忠也送往

事居耦俱無猜貞也往死者居生者耦兩也送死

事生兩無猜恨所謂正也○猜七才

齊先告荀息曰三怨將作三公子之徒秦晉輔之

子將何如荀息曰將死之里克曰無益也荀叔曰吾

與先君言矣不可以貳能欲復言而愛身乎荀叔

荀息也復言言可復也。能欲復言而愛身乎。○正義曰：意能欲使前言可反。

復而行之得愛。雖無益也。將焉辟之。且人之欲善誰

不如我。我欲無貳而能謂人已乎。言不能止里克

使不忠於申生等。○焉於虔反。下文焉能克同。冬十月里克殺

奚齊于次。次喪寢。書曰殺其君之子未葬也。荀息

將死之人曰：不如立卓子而輔之。荀息立公子卓以

葬。十一月里克殺公子卓于朝。荀息死之。君子曰：詩

所謂白圭之玷，尚可磨也；斯言之玷，不可為也。詩

大雅言此言之缺難治甚於白圭。○玷，丁簞反。又荀

息有焉。有此詩人重言之義。○齊侯以諸侯之師

伐晉及高梁而還，討晉亂也。高梁，晉地，在平陽縣

西南，令不及魯，故不書。前已發不書例，今復重發

嫌霸者與於凡諸侯。○令，力政反。本又作命。復扶又反。重直用反。○晉卻

芮使夷吾重賂秦以求入。卻芮，卻克祖父，從夷吾

者。○從才用反。曰：人實有國，我何愛焉。言國非已之有

何愛而不以賂秦入而能民土於何有從之。能得

民不患無土，齊隰朋帥師會秦師，納晉惠公。隰朋

齊大夫惠公夷吾。音習秦伯謂卻芮曰：公子誰恃對

曰臣聞亡人無黨有黨必有讎言夷吾無黨無黨

則無讎易出易入以微勸秦易並言夷至勸

秦伯問公子誰侍問公子於晉國之臣倚侍誰為內

主也對言夷吾無黨無讎者由無黨故往前易出無

讎故此時易入言易出夷吾弱不好弄弄戲也

呼報能鬪不過有節制長亦不改不識其他公謂

公孫枝曰夷吾其定乎公孫枝秦大夫子桑也

丁丈對曰臣聞之唯則定國詩曰不識不知順帝之

行自然合天之法又曰不僭不賊鮮不為則僭過

差也賊傷害也皆忌克也能不然則可為人法則僭

子念反下注無好無惡不忌不克之謂也今其言多

忌克既僭而賊如呼報反又難哉言能自定

難公曰忌則多怨又焉能克是吾利也其言雖多

忌適足以自害不能勝人也秦伯慮其還害已故曰

是吾利唯則至利也○正義曰唯身有則者乃能

知今事常順天之法則而行之為此行者文王之謂

也又曰人行不僭差不賊害能如此者少不為人

法則言必為人法則也此二詩所云者無所偏好

者以身行忌克則有私好私惡之心舉忌克足以包好惡也公曰多忌於人則多為人怨又焉能勝人此乃是吾之利也無好無惡言文王之行也不忌不克述抑篇之義也引二詩於前以此言結之○詩大至之法○正義曰詩大雅皇矣之篇也則法釋詁文彼鄭箋云其為人不知今順天之法而行之是言闇行自然合天地之法也禮記稱天無私覆地無私載合天地法者即無偏好無私惡之謂也○僭過至法則○正義曰詩大雅抑之篇也彼毛傳云僭差也鄭玄云不殘賊是賊為害也心有所忌則多過差志在陵人必多為賊害下云不忌不克覆述此文故言僭賊者皆忌克也○其言至吾利○正義曰心思前人則人亦忌已志在陵人則人亦陵已若使人皆忌之人皆陵之是適足以自害不能勝人也秦伯聞其忌克慮其還來害已故以不能勝人為是吾利也○宋襄公即位以公子目夷為仁使為左師以聽政於是宋治故魚氏世

為左師○治直
吏反

經十年春王正月公如齊無傳

狄滅溫溫子奔衛蓋中國之狄滅而居其土地

晉里克弒其君卓及其大夫荀息弒卓在前年而以

今春書者從赴也獻公既葬卓以免喪故稱君也荀

息稱名者雖欲復言本無遠謀從君於昏至於昏

○正義曰傳於前年甚詳經以今年書之明赴以今年弒也傳稱立公子卓以葬是免喪始死故稱君也文七年宋人殺其大夫傳曰不稱名眾也且言非其罪也死者不稱名非其罪故知稱名者皆有罪也荀息稱名者不知奚齊卓子之不可立又不能誅里克以存君是其雖欲復言本無遠謀也襄十九年齊殺

已

註北戎一作北伐

其大夫高厚傳稱從君於昏獻公惑於驪姬殺適立庶荀息知其事而為之傅奚齊是其從君於昏也

夏齊侯許男伐北戎

無傳北戎山戎

晉殺其大夫里克

奚齊者先君所命卓子又以在國嗣位罪未為無道而里克親為三怨之主累弑二君

故稱名以罪之

奚齊至罪之○正義曰宣四年傳例曰弑君稱君君無道也稱臣

臣之罪也里克殺奚齊弑卓子皆書里克之名是奚齊與卓子未為無道也殺大夫傳言不稱名者為無罪則稱名為有罪故今稱里克之名以罪之

秋七月

冬大雨雪

無傳平地尺為大雪

○雨于付反

傳十年春狄滅溫蘇子無信也蘇子叛王即狄又不

能於狄狄人伐之王不救故滅蘇子奔衛蘇子周

司寇蘇公之後也國於溫故曰溫子叛王事在莊十

九年蘇子至九年○正義曰尚書立政云司寇

蘇公成十一年傳曰管周克商蘇忿生以溫為司寇以此知蘇子司寇蘇公之後也國名為蘇所都之邑名為溫故溫蘇遞見於經是得兩稱故也

夏四月周公忌父王子黨會齊隰朋立晉侯

周公忌父周卿士王子黨周大夫晉侯殺里克以說

自解說不篡○篡初患反將殺里克公使謂之曰微子則

不及此雖然子弑二君與一大夫為子君者不亦難

乎對曰不有廢也君何以興欲加之罪其無辭乎

言欲加已罪不患無辭 欲加至辭乎正義曰言君今欲加臣之罪其畏無

辭以罪臣乎言必方便有辭耳 臣聞命矣伏劍而死於是平鄭聘于

秦且謝緩賂故不及

里克俱死○晉侯改葬其大子

音恭本亦作秋狐突適下國 下國曲沃新城

恭大音秦國曲沃新城正義曰曲沃邑也而稱國者晉昭侯嘗以此邑封桓叔桓叔國之三世武公始并晉國遷居而就之此曲沃晉之舊國故謂之為下國也 遇大子大子使登僕

忽如夢而相見狐突本為申生御故復使登車為僕

扶又

反下文而告之曰夷吾無禮

夷吾無禮正義曰正義曰及註同 人賈君故曰無禮馬融云申生不自明而死夷吾攻

葬之章父之過故曰無禮杜不為註當以鬼神之意難得而知夷吾無禮或非一事不可指言故不說也 余得請於帝矣

請罰夷吾將以晉畀秦秦將祀余對曰臣聞之神不歆非類

民不祀非族

神不至非族正義曰傳稱非我族子孫妄祀他人父祖則鬼神不歆享之耳祭法云聖王之制祭祀也法施於民則祀之以死勤事則祀之

以勞定國則祀之能禦大畜則祀之能捍大患則祀之若農棄為稷后土為社社稷功被天下乃令率土

報功如此之待非獨歆已之族若功不被于下民各不載於祀典唯其子孫祀之神亦不歆他族然則秦非晉類而使祀申生祀之大失也晉無罪而滅以畀秦刑之濫也夫豈不達此事而待狐突之言方改圖

信

之祀為無主祭也
註七字今補脫

者民之與神不相雜擾雖理有大歸非曲為小惠豈
 有一人冤枉即能訴天天受人訴辭便將滅國此事
 本是妖夢假託上天非天實為之人能改易傳言鬼
 神所馮有時而言非言此事實是天心不可執其言
 而以人事為難也
 君祀無乃殄乎歆饗也殄絕也
 許同歆且民何罪失刑乏祀君其圖之君曰諾吾將
 復請七日新城西偏將有巫者而見我焉新城曲沃也將因巫而見
偏匹七日至我焉正義曰
縣反申生謂狐突云更經七
 日於新城西偏將有巫者而與之許之遂不見狐
 俱見我焉故杜云將因巫而見
 突許其言申生之象亦沒見賢遍反又如字及期而往告之
 曰帝許我罰有罪矣敝於韓敝敗也韓晉地獨敝

冢 微 貞

惠公故言罰有罪明不復以晉界秦夷吾忌克多怨
 終於失國雖改葬加諡申生猶忿傳言鬼神所馮有
 時而信馮皮冰反
 敝敗至而信正義曰晉語云
 徹於外國人誦之曰貞之不報孰是人斯而有是臭
 也貞為不聽信為不誠不更厥正天命其傾猗兮違
 兮心之哀兮歲之二七其靡有徵兮郭偃曰甚哉善
 之難也若改葬共君以為榮也而惡滋章十四年君
 之家祀其替乎亦是申生猶忿之事平鄭之如秦也言於秦伯曰呂甥
 卻稱冀芮實為不從若重問以召之三子晉大夫
 不從不與秦賂問聘問之幣稱尺證
反又如字三子至
 義曰曲禮云凡以弓劍苞苴篚筥問人者鄭玄云問
 猶遺也重問謂多以財貨遺之也下云幣重而言甘
 春火流

春火流

卷之三十三

及古

故云問聘問之幣也

臣出晉君君納重耳蔑不濟矣

蔑無也

○冬秦伯使冷至報問且召三子

冷至秦大夫

力丁御芮曰幣重而言甘誘我也遂殺平鄭祁舉

祁舉晉大夫及七輿大夫侯伯七命副車七乘

繩證七輿大夫正義曰周禮大行人云侯伯七命副車七乘

反七輿大夫服虔云上軍之輿帥七人屬申生者襄

大夫為申生報怨樂盈將下軍故左行其華右行賈

華叔堅驪歛纍虎特宮山祁皆里平之黨也

七輿大夫行戶剛反下同其音恭驪音佳歛音市專反纍力追反祁巨之反字林上尸反

平豹奔秦平豹平鄭之子言於秦伯曰晉侯背大

主而忌小怨民弗與也伐之必出大主秦也小怨

里平音佩公曰失眾焉能殺謂殺里平之黨

違禍誰能出君謂豹辟禍也為明年晉殺平鄭

傳

經十有一年春晉殺其大夫平鄭父以私怨謀亂國

書名罪之書春從告

夏公及夫人姜氏會齊侯于陽穀無傳婦人送迎不

出門見兄弟不踰闕與公俱會齊侯非禮

音況
域反

秋八月大雩

雩無傳過時故書

冬楚人伐黃

傳十一年春晉侯使以平鄭之亂來告

雩釋經書在

今年○天王使召武公內史過賜晉侯命

雩天王周

襄王召武公周卿士內史過周大夫諸侯即位天子

賜之命圭為瑞○過古
禾反受玉惰過歸告王曰晉侯其

無後乎王賜之命而惰於受瑞先自棄也已而何繼

之有禮國之幹也敬禮之與也不敬則禮不行禮不

其

行則上下昏何以長世

雩為惠公不終張本

○惰徒
臥反長

直良反又
丁丈反

雩天王至長世○正義曰召武公亦名過

惠公命晉侯執玉卑齊不稽首內史過歸以告王曰

晉不亡其君必無後不敬王命棄其禮也執玉卑替

其質也拜不稽首無其王也替質無鎮無王無人晉

侯無王人亦將無之欲替其鎮人亦將替之其言多

而小異孔鼂云左丘明集其典雅令辭與經相發明

者以為春秋傳其高論善言別為國語凡左傳國語

有事同而辭異者以其詳於左傳而

畧於國語詳於國語而畧於左傳

伊雒之戎

雩伊雒之戎○正義曰釋例曰諸雜戎居

戎城伊水出上雒盧氏縣熊耳山東北至河南雒陽

縣入雒雒水出上雒縣豕領山東北經弘農至河南

鞏縣入河同伐京師入王城焚東門

雩揚拒泉臯皆戎邑

宇

及諸雜戎居伊水雒水之間者今伊闕北有泉亭拒

俱于反臯古乃反王子帶召之也王子帶甘昭公也召戎

欲因以篡位秦晉伐戎以救周秋晉侯平戎于王王

為二十四年天王出居鄭傳○黃人不歸楚貢冬楚

人伐黃黃人恃齊故

經十有二年春王三月庚午日有食之無傳不書朔

官失之

夏楚人滅黃

秋七月

冬十有二月丁丑陳侯杵臼卒無傳遣世子與偃公

同盟甯母及洮○杵昌呂反曰其九反

傳十二年春諸侯城衛楚丘之郛懼狄難也楚丘

衛國都郛郛也為明年春秋侵衛傳乃且反下同

楚丘至衛傳○正義曰衛以二年遷於楚丘諸

侯為之築其城至此為之築其郛公羊傳曰郛者

何郛也不單言衛楚丘者見楚丘未有郛也諸侯不

告魯不與故不書無經而為傳者其言必有所為故

云為狄○黃人恃諸侯之睦于齊也不其楚職曰自

楚都○王以戎難故討王子帶子帶前年召戎伐

其音恭馬於虔反

夏楚滅黃郛

春秋左傳

卷之二十三 二十五

及古

周秋王子帶奔齊。○冬齊侯使管夷吾平戎于王使

隰朋平戎于晉。○平和也前年晉救周伐戎故戎與

周晉不和王以上卿之禮饗管仲。管仲辭曰臣賤有

司也。有天子之二守國高在。○國子高子天子所命

為齊守臣皆上卿也。莊二十二年高侯始見經僖二

十八年國歸父乃見傳歸父之父曰懿仲高侯之子

曰莊子不知今當誰世。○守手又反註同見賢遍反下同若節春秋

來承王命何以禮焉。○節時也陪臣敢辭。○諸侯之

臣曰陪臣。○陪步同反王曰舅氏。○伯舅之使故曰舅氏

○使所吏反余嘉乃勲應乃懿德謂督不忘往踐乃職無

逆朕命。○功勲美德可謂正而不可忘者不言位而

言職者管仲位卑而執齊政故欲以職尊之。○音篤督

余嘉至朕命。○正義曰余朕皆我也乃女也應當也懿美也督正也言我善女功勲當女美德謂女功德

正而不可忘宜受此禮往居女職。管仲受下卿之禮

而還。○管仲不敢以職自高卒受本位之禮君子曰

管氏之世祀也宜哉。○君子至宜哉。正義曰丘明之意假稱君子論管氏應合

世祀也宜哉而遂不世祀子孫絕滅是行讓不忘其

上詩曰愷悌君子神所勞矣。○詩大雅愷樂也悌易

也言樂易君子為神所勞來故世祀也管仲之後於齊沒不復見傳亦舉其無驗。○愷本亦作凱開在反報反註同樂音洛下同易以鼓○愷音弟本亦作弟勞力反下同來力代反復扶又反○愷正義曰詩大雅旱龍之篇愷樂佛易皆釋詁文樂易言志度弘簡忻樂而和易也世族譜管氏出自周穆王成十一年傳有齊管于奚譜以為雜人則非管仲之子孫也哀十六年傳稱楚白公殺齊管修杜云管修楚賢大夫故齊管仲之後是管仲之後於齊沒不復見也

經十有三年春狄侵衛○傳在前年春

夏四月葬陳宣公○無傳

公會齊侯宋公陳侯衛侯鄭伯許男曹伯于鹹○鹹衛

地東郡濮陽縣東南有鹹城○濮音卜

秋九月大雩○無傳書過

冬公子友如齊○無傳

傳十三年春齊侯使仲孫湫聘于周且言王子帶○

前年王子帶奔齊言欲復之事畢不與王言○不言

子帶事歸復命曰未可王怒未怠其十年乎不十年

王弗召也○夏會于鹹淮夷病杞故且謀王室也○

秋為戎難故諸侯戍周齊仲孫湫致之○戍守也致

諸侯戍卒于周○為于偽反下註欲為○冬晉荐饑

又音機

國 麥禾皆不熟。○荐在薦反。重也。饑音飢。**國** 晉荐饑。○正義曰：釋

饑為荐。李巡曰：穀不成。熟曰饑。連歲不熟曰荐。使乞糴于秦。秦伯謂子桑與

諸乎對曰：重施而報，君將何求？**國** 言不損秦。○糴直

式豉反。下同。重施而不報，其民必攜攜而討焉。無家必敗。

國 不義故民離，謂百里與諸乎。**國** 百里，秦大夫對曰：

天災流行，國家代有，救災恤鄰，道也。行道有福。平鄭

之子豹在秦，請伐晉。**國** 欲為父報怨。秦伯曰：其君是

惡，其民何罪？秦於是乎輸粟于晉。自雍及絳，相繼**國**

雍，秦國都。絳，晉國都。○雍於用反。絳古巷反。命之曰汎舟之役。

國 從渭水運入河汾。○汎芳劍反。汾扶云反。**國** 從渭水運入

秦都雍。雍臨渭。晉都絳。絳臨汾。渭水從雍而東至弘

農華陰縣入河，從河逆流而北，上至河東汾陰縣，乃

東入汾，逆流東行而通絳，故柱云：從渭水運入河汾也。

經十有四年春，諸侯城緣陵。**國** 緣陵，杞邑。辟淮夷，遷都

於緣陵。

夏六月，季姬及鄆子遇于防，使鄆子來朝。**國** 季姬，魯女，

鄆夫人也。鄆子本無朝志，為季姬所召而來，故言使

鄆子來朝。鄆國今琅琊鄆縣。○鄆似綾反。本或作縉。

秋八月辛卯，沙鹿崩。**國** 沙鹿，山名。平陽元城縣東有沙

鹿土山在晉地，災害繫於所災，所害故不繫國。鹿至繫國。正義曰：公羊傳曰：沙鹿者何？河上之邑也。穀梁傳曰：林屬於山，為沙鹿山名也。服虔云：沙山名。鹿山足，林屬於山，曰鹿。取穀梁為說也。漢書元后傳稱：后祖翁孺自東平徙魏郡元城，委粟里元城。建公曰：晉春秋沙鹿崩，晉史卜之曰：陰為陽，雄土火相乘，故有沙鹿崩。崩後六百四十五年，宜有聖女興。今王翁孺徙，正值其地，日月當之。元城郭東有五鹿之虛，即沙鹿地。計爾時去聖猶近，所言當得其實。故以沙鹿為山名，依漢書為義也。沙鹿實是晉地，不言晉沙鹿者，凡有災害繫於所災，所害之處不繫於所屬之國，故不繫晉也。釋例曰：陳既已滅，降為楚縣，而書陳災者，猶晉之梁山沙鹿崩，不書晉也。災害繫於所災，所害故以所在為名。災為陳災，成周宣榭火，害為梁山沙鹿崩，山崩必有所害，故所災所害別言之。

狄侵鄭。無傳。

冬，蔡侯肸卒。

無傳，未同盟，而赴以名。

肸許乙反。

傳十四年春，諸侯城緣陵，而遷杞焉，不書其人，有闕也。

闕謂器用不具，城池未固而去，為惠不終也。澶

淵之會，既而無歸，大夫不書，而國別稱人，今此總曰

諸侯，君臣之辭，不言城杞，杞未遷也。

遷也。正義曰：元年齊師宋師曹師城邢，傳稱具邢器用而遷之，師無私焉，是器用具而城池固，故具列

三國之師，詳其文以美之也。今此總云諸侯城緣陵，不言某侯某侯與城邢文與，不具書其所城之人，為

其有闕也。知闕為器用不具，城池不固而去，為惠不終，故總言諸侯以譏之。凡諸侯盟會，不歷序其人，總

言諸侯者，皆是譏之辭。文十五年諸侯盟于扈，傳曰：書曰：諸侯無能為也。十七年諸侯會于扈，傳曰：書曰：

諸侯無功也。是其總言諸侯皆譏辭也。十六年會于淮，傳稱城鄆，役人病，不果城而還，亦是為惠不終而淮會具書其人者。淮之會為謀鄆，且東畧，非為城鄆而聚會。既會之後，乃欲城鄆而不果，本意不城鄆，無可貶也。先儒以為諸侯有過貶而稱人，杜據澶淵之會，與此傳文知諸侯之貶不至稱人，故釋例曰：傳滅入例，衛侯燬滅邢，同姓故名。又云：穀伯綏鄆侯吾離來朝，名賤之也。又云：不書蔡許之君，乘楚車也。謂之失位，此皆諸侯貶之例。例不稱人，也。諸侯在事，傳有明文，而經稱人者，凡十一條。丘明不示其義，而諸儒皆據案生意，原無所出。貶諸侯而去爵稱人，是為君臣同文，非正等差之謂也。又澶淵大夫之會，傳曰：不書其人，按經皆去名稱人，至諸侯親城緣陵，傳亦曰：不書其人，而經總稱諸侯，此大夫及諸侯，經傳所以為別也。通按春秋自宣公五年以下，百數十年，諸侯之咎甚多，而皆無貶稱人者，益明此蓋當時告命記之，與非仲尼。○鄆季姬來寧，公怒止之，以鄆子之所以為例故也。

不朝也。○來寧不書，而後年書歸鄆，更嫁之文也。明公絕鄆昏，既來朝而還。○還戶夏遇于防，而使來朝。

○秋八月辛卯，沙鹿崩。晉卜偃曰：期年將有大咎，幾亡國。

亡國。○國主山川，山崩川竭，亡國之徵。○期音基，咎音機。○國主至之徵。○正義曰：成五年傳曰：國主音機。○山川故山崩川竭，君為之不舉。周語：幽王三年，西周三川皆震，伯陽父曰：咎伊維竭而夏亡，河竭而商亡。國必依山川，山崩川竭，亡國之徵也。卜偃明達災異，以山崩為亡國之徵，知其將有大咎，不言知之，意非末學者所得詳也。釋例曰：天人之際，或與而無感，或感而不可知。沙鹿崩，因謂期年將有大咎。梁山崩，則云山有朽壤而自崩，此皆聖賢之讖言。達者所宜先識，是說卜偃之言，非後人所能測。○冬秦饑，使乞糴于晉，晉人弗與。

與慶鄭曰背施無親

慶鄭晉大夫

背音佩後皆同施式豉反註

及下而施毛十五年皆同

幸災不仁

貪愛不祥

怒鄰不義

四德皆

失何以守國

虢射曰皮之不存

毛將安傅

虢射惠

公舅也皮以喻所許秦城毛以喻糴言既背秦施為

怨以深雖與之糴猶無皮而施毛

音附

虢射惠

義曰晉語云秦饑惠公命輸之粟虢射請勿與慶鄭請與之公曰非鄭之所知也遂不與秦侵晉至于韓公謂慶鄭曰寇深矣奈何慶鄭曰非鄭之所知也君其訊射也公曰舅所病也是虢射為惠公之舅也

慶鄭曰棄信背鄰

患孰恤之

無信患作

失援必斃

是

則然矣

虢射曰無損於怨

而厚於寇

不如勿與

言

與秦粟不足解怨適足使秦強慶鄭曰背施幸災民所棄也近猶讎之况怨敵乎弗聽退曰君其悔是哉

十五年春同幸災不仁貪愛不祥怒鄰不義四德皆

失何以守國號射曰皮之不存毛將安傅

公易也皮以喻所許秦城毛以喻羅言既背秦施為

怨以深雖與之羅猶無皮而施毛

義曰百諸云秦饒惠公命輸之粟號射請勿與慶

請與之公曰非鄭之所知也遂不與秦侵晉至于慶

公謂慶鄭曰冠深矣奈何慶鄭曰非鄭之所知也君

其說射也公曰易所病也是號射為惠公之易也

與秦粟不足稱怒鄰矣則秦與魯瀆曰昔誠幸與矣

與秦粟不足稱怒鄰矣則秦與魯瀆曰昔誠幸與矣

與秦粟不足稱怒鄰矣則秦與魯瀆曰昔誠幸與矣

與秦粟不足稱怒鄰矣則秦與魯瀆曰昔誠幸與矣

與秦粟不足稱怒鄰矣則秦與魯瀆曰昔誠幸與矣

與秦粟不足稱怒鄰矣則秦與魯瀆曰昔誠幸與矣

與秦粟不足稱怒鄰矣則秦與魯瀆曰昔誠幸與矣

與秦粟不足稱怒鄰矣則秦與魯瀆曰昔誠幸與矣

與秦粟不足稱怒鄰矣則秦與魯瀆曰昔誠幸與矣

與秦粟不足稱怒鄰矣則秦與魯瀆曰昔誠幸與矣

與秦粟不足稱怒鄰矣則秦與魯瀆曰昔誠幸與矣

與秦粟不足稱怒鄰矣則秦與魯瀆曰昔誠幸與矣

與秦粟不足稱怒鄰矣則秦與魯瀆曰昔誠幸與矣

與秦粟不足稱怒鄰矣則秦與魯瀆曰昔誠幸與矣

與秦粟不足稱怒鄰矣則秦與魯瀆曰昔誠幸與矣

與秦粟不足稱怒鄰矣則秦與魯瀆曰昔誠幸與矣

與秦粟不足稱怒鄰矣則秦與魯瀆曰昔誠幸與矣

與秦粟不足稱怒鄰矣則秦與魯瀆曰昔誠幸與矣

